





元祿六癸酉歲

仲夏吉日

陳自明編集


改正婦人良方

薛立齋校註

攝陽

保壽軒梓

書肆



太醫院校註婦人良方

序

秀水石山沈謐撰

病一也而婦人為難醫
一也而識病為難夫病
多始於七情邃古之初
性靜情逸精神純暢每
治于未病之先治之以
不治也以故藥不試而



躋上壽者比比迨乎後
世恣情縱欲精神耗而
元氣索病道日多醫効
日尠况婦人女子之性
陰濁勝而陽明微喜怒
哀樂發而中節者寡其
爲病常浮于男子什九
欲診問以識所因亦誠
難矣吳郡立齋薛君雅

好岐黃素難之書每爲
入治病察色辨脈變藥
立方增除橫出優游容
與俟其自愈不示功不
計程期在必起時精絕
於醫者不能及尤旁通
外科女科之指間取臨
川陳良甫所著婦人良
方一帙爲之補註附以

治驗ヲ示ス余讀テ之見レ其發
揮經絡揆度陰陽網羅
百病凡婦人症最人所
難識者也彬彬可睹益
薛君生平精力不暇矣
費坐臥行住須臾不離
嗚呼斯亦觀其深矣業
者當自得之

嘉靖歲丁未冬十月既望

太醫院校註婦人良方凡例

○各論有重複關累悉遵素難及歷
代名醫治法增減庶灼見本症病因
不致紛雜難曉

○各論有陳無擇能整峯二先生評
論治法去繁就簡併入本論以便觀
覽

○諸治驗原隨方者悉從其舊若詞
義重複者刪之以便覽閱

○傷寒之症反覆變遷命係毫髮須
熟讀仲景等書專為一科庶無傳而
不精之誤

○製藥之法當因病制宜本集所云
未備不錄恐執泥也

○各方有合大劑者今減作小方庶得臨症損益量病加減其有常服者悉仍舊

○十二卷首論妊娠所禁之法當為遵守其所用之藥不可輕變

○補遺第二十四卷各卷已備不錄今補菌唇等一十四症方論足成其卷

○芍藥之性味酸寒產後用之於太補八珍等湯內以酒拌炒用無妨凡屬脾胃虛寒虛弱面色痿黃者亦宜酒拌炒用

凡例畢

太醫院校註婦人良方用藥宜禁症
詳見本門後錄首卷特以示急用也

○通經丸若脾胃無虧暴怒氣逆或生冷所傷陰血凝滯月經不通者宜暫用之若脾胃虛弱不能生血者宜用六君當歸若因脾胃鬱火內耗其血者宜用歸脾湯若因肝脾鬱怒氣血傷而月經不通者宜用加味歸脾湯若因肝脾虛熱血傷而月經不通者宜用加味道遙散
此方見本門後做

○艾附丸若脾胃虛寒陰血不足氣逆發熱月經不調或胎氣不成者暫宜用之若肝腎虧損陰虛發熱月經不調或崩漏帶下或便血吐衄小便

淋瀝或嘔熱內熱寒熱往來或盜汗
自汗不時條熱宜用六味地黃丸若
兼脾氣不足飲食少思者佐以六君
子湯

○四物湯若脾經血燥發熱或月經
不調宜暫用之若因脾經虛熱肝經
怒火所致宜用四君子佐以加味道
遙散若因脾經氣虛血弱兼嘔熱內
熱宜用八珍湯加柴胡丹皮若因走
氣下陷而致諸症宜用補中益氣湯
○人參橘皮湯若胎前氣痞痰滯作
嘔不食者宜暫用之若脾胃氣虛胸
膈痞脹痰停作嘔飲食少思者宜用
半夏茯苓湯若因怒動肝火尅制脾

土而致前症者宜用六君子加柴胡
山梔枳殼脾胃虛寒者用六君子加
木香砂仁內半隻治脾胃虛寒諸症
尤當用

○紫蘇順氣飲若胎動不安元氣無
虧者宜暫用之若因脾氣虛弱者宜
用六君子加紫蘇枳殼鬱結傷脾者
宜用四君子加柴胡山梔蘇梗鬱怒
傷脾肝者宜用六君子加柴胡黃芩
枳殼

○四物膠艾湯若內熱胎痛下血不
止者宜暫用之若因肝經風熱而下
血者宜用防風黃芩丸若因肝火血
熱宜用加味道遙散若因脾經鬱火

宜用加味歸脾湯若因脾氣虛者宜用補中益氣湯倍加升麻柴胡若因事下血者宜用八珍湯膠艾

○黃芩白朮二味為安胎之藥若脾胃蘊熱中氣無虧者暫宜用之凡屬脾胃虛痞飲食少思或泄瀉嘔吐面色痿黃肢體倦怠者宜用六君子湯○達生散若厚味安逸者宜用若藹藹勞役者不宜用

○妊娠腹痛須驗其面赤舌青者此胎已死用平胃散加朴硝三錢化下之下後隨用八珍大補等湯調補之若唇口俱青吐出痰沫者子母俱死也若面舌俱青者母死子活產下亦

死

○小續命湯若外中風邪腰背反張筋脈痠癢者宜暫用之若產後失血過多陽火熾盛虛熱生風者宜用八珍湯加釣藤丹皮如不應當用四君子湯加當歸丹皮釣藤若陽氣脫陷者宜用補中益氣湯如不應急加附子氣血虛敗者宜用十全大補湯如不應急加附子亦有生者

○澤蘭湯若產後惡露腹痛胸滿少氣宜用之若體倦面黃食少少寐而惡露不止宜用加味歸脾湯若氣血虛損而惡露上攻先用失笑散後用八珍湯禁用黑神散奪命丹之類

○產後口鼻起黑氣鼻衄者是胃氣
虛敗而血滯也急用一味參蘇飲多
有生者

藥禁甲

太醫院校註婦人良方目錄

○卷之一

調經門

月經序論一

精血篇一

產寶方序論三

王子亨方論四

月水不調方論五月經不通方論六

養生必用論病七

室女月水不通方論八

室女經閉成勞方論九

血枯方論十

月水不利方論十一

月水行止腹痛方論十二

月水不斷方論十三

殺血心痛方論十四

暴崩下血方論十五

帶下方論十六

筋中漏下生死脈方論十七

白濁自淫方論十八

天癸過期方論十九

血分水分腫滿方論二十

○卷之二

衆疾門

產寶方論一

博濟方論二

寇宗奭論三

通用方序論四

○卷之三

衆疾門

中風諸症方論一

中風角方反張方論二

中風口禁方論三 中風不語方論四

風痺手足不隨方論五

中風自汗方論六 筋脈痠痺方論七新

虛風顛振方論八新 風寒臂痛方論九附

賊風偏枯方論十 偏風口喎方論十一

血風心神驚悸方論十二

失血過多心神不安方論十三

風邪顛狂方論十四 飛尸血厥方論十五

○卷之四

衆疾門

血風肢體骨節疼痛方論一

血風白虎歷節走疰方論二

血風癱瘓痿痺方論三

虛風頭目眩暈方論四

血風頭痛方論五 頸項強痛方論六

腰痛方論七 腰脚疼痛方論八
風邪脚氣方論九

○卷之五

衆疾門

勞瘵各症方論一

二十四種蒸病論二 新附

骨蒸勞方論三 血風勞氣方論四

冷勞方論五

○卷之六

衆疾門

熱勞方論一 客熱方論二

寒熱方論三

寡婦寒熱如瘧方論四

惡寒方論五 血風煩悶方論六

血風攻脾不食方論七

夢與鬼交方論八 傷寒傷風方論九

熱入血室方論十 咳嗽方論十一

咳嗽用溫藥方論十二

勞嗽方論十三 喘滿方論十四

風痰積飲咳嗽方論十五

心胸嘈雜方論十六

○卷之七

衆疾門

嘔吐方論一 霍亂方論二

翻胃吐食方論三 血膈方論四

鼻血方論五 吐血方論六

痔瘡諸氣方論七 疝瘕方論八

八瘕方論九 腹中瘀血方論十

瘦痞方論十一 食瘦方論十二
積年血瘦方論十三
血氣心痛方論十四
血氣心腹疼痛十五
血氣小腹疼痛十六
兩脇脹痛方論十七
心腹脹滿方論十八

○卷之八

衆疾門

小便淋瀝不通方論一
脬轉小便不利方論二
小便數方論三 遺尿失禁方論四
小便出血方論五 大便不通方論六
老弱風人便秘戒用利藥七

泄瀉秘結方論八 泄瀉方論九
協熱下利方論十 滯下方論十一
痢後嘔噦方論十二
大便下血方論十三
痔瘻方論十四 脫肛方論十五
陰腫方論十六 陰痒方論十七
陰冷方論十八 陰挺下脫方論十九
陰中生瘡方論二十
交接傷丈夫頭痛方二十一
交接輒痛出血方二十二
交接他物所傷方二十三
小戶嫁痛方二十四

○卷之九

求嗣門

陳無擇求子論一 褚尚書求男論一
婦人無子論三

千金翼求子方論四

交會禁忌五 男子受胎時日法六
推支于旺相日法七

推每月宿日八 求子服藥須知九

溫隱居求嗣保生篇十

○卷之十

胎教門

妊娠總論一 受形論二

受形篇三 論胎教四

孕元立本章五 疑形殊稟章六

氣質生成章七 轉女為男法八

○卷之十一

候胎門

脈例一 診婦人有妊歌二

驗胎法三

胎殺避忌產前將護法四

食忌論五 孕婦禁忌歌六

○卷之十二

妊娠門

隨月服藥將息法一

惡阻方論二 痰逆不食方論三

胎動不安方論四 胎漏下血方論五

卒然下血方論六

驚胎及僵仆方論七

胎上逼方論八

下如豆汁胎動腹痛方九

誤服毒藥胎動方十

心痛方論十一 心腹痛方論十二

中惡方論十三 腰腹背痛方論十四

小腹痛方論十五 心腹脹滿方論十六

○卷之十三

妊娠門

數墮胎方論一 胎不長方論二

胎不安方論三

墮胎後血下方論四

未足月欲產方論五

斷產方論六 咳嗽方論七

吐血衄血方論八 子煩方論九

煩躁口乾方論十

○卷之十四

妊娠門

中風方論一 風痙方論二

瘳瘳方論三 新附 鬼胎方論四

傷寒方論五 時氣方論六

熱病方論七

傷寒熱病防損胎方論八

熱病胎死腹中方論九

瘧疾方論十 霍亂方論十一

○卷之十五

妊娠門

泄瀉方論一 下痢黃水方論二

大小便不通方論三

小便不通方論四 子淋方論五

遺尿方論六 尿血方論七

胎水腫滿方論八 腹內鍾鳴方九
龔彥德孕癰方十 不語論十一
傷食方論十二 臍燥悲傷方論十三

○卷之十六

坐月門

產寶方周頌序一 將護孕婦論二

滑胎例三 月室方位例四

逐月安產藏衣忌向方位五

推姪婦行年法六 體姪子借地法七

禁草法八 禁水法九

入月預備藥物十

○卷之十七

產難門

產難論 楊子建十產論二

催生方論三

交骨不開產前不閉方論四 新附

郭稽中產難方論五

產難子死腹中方論六

產難生或訣七

○卷之十八

產後門

產後將護法一 調理法二

通用方論三 胞衣不出方論四

血暈方論五 顛狂方論六

狂言謔語方論七 不語方論八

○卷之十九

產後門

乍見鬼神方論一 心神驚悸方論二

中風心驚方論三 中風恍惚方論四
虛極生風方論五 虛汗不止方論六
冒悶汗出方論七 汗多變瘕方論八
口禁腰背反張方論九

中風方論十 四肢筋攣方論十一

瘕瘕方論十二 新附 脚氣方論十三

○卷之二十

產後門

遍身疼痛方論一 腰痛方論二

惡露不絕方論三 惡露不下方論四

惡露上攻心痛方論五

惡露腹痛方論六 兒枕腹痛方論七

小腹痛方論八 寒疝腹痛方論九

兩脇脹痛方論十 積聚癥塊方論十一

血癥方論十二

餘血奔心煩悶方論十三

虛煩方十四

○卷之二十一

產後門

口乾痞悶方論一 血渴方論二

乍寒乍熱方論三 瘧疾方論四

葷勞方論五 虛羸方論六

風虛勞冷方論七 腹脹滿悶方論八

嘔逆不食方論九 霍亂方論十

○卷之二十二

產後門

寒熱方論一 頭痛方論二

咳嗽方論三 喘促方論四

口鼻黑鼻衄方論五

噎噫方論六 血崩方論七

月水不調方論八月水不通方論九

四肢浮腫方論十腹痛瀉利方論十一

痢疾及虛羸氣痢方論十二

○卷之二十三

產後門

痢疾作渴方論一大便秘澁方論二

大小便不通方論三

遺糞方四 諸淋方論五

小便頻數方論六小便不禁方論七

小便出血方論八

陰脫玉門不開方論九

陰蝕疔方論十 乳少或無方論十一

乳自由方論十二妬乳方論十三

○卷之二十四

瘡瘍門 新附

齒唇方論一 耳聆痛方論二

癰癤方論三 結核方論四

流注方論五 血風瘡方論六

赤白遊風方七 橫痃方論八

鶴膝風方論九 下注腫瘡方論十

足跟瘡方論十一肺癰方論十二

腸癰方論十三

乳癰乳岩方論十四

目錄畢

太醫院校註婦人良方大全卷之一

江右臨川陳自明良甫編

太醫院使立齊薛已校註

建邑書林泗泉余彰德梓

調經門

凡婦人先須調經故以為首

月經序論第一

岐伯曰女子七歲腎氣盛齒更髮長
二七而天癸至任脈通大衝脈盛月
事以時下天謂天眞之氣癸謂壬癸
之水故云天癸也然衝為血海任主
胞胎二脈流通經血漸盈應時而下
常以三旬一見以像月盈則虧也若
遇經行最宜謹慎否則與產後症相
類若被驚怒勞役則血氣錯亂經脈

不行多致勞瘵等疾若逆於頭面肢體之間則重痛不寧若怒氣傷肝則頭暈脇痛嘔血而瘰癧癰瘍若經血內滲則竅穴淋瀝無已凡此六淫外侵而變症百出犯時微若秋毫成患重如山岳不可畏故○愚按血者水穀之精氣也和調五臟酒陳六腑在男子則化為精在婦人上為乳汁下為血海故雖心主血肝藏血亦皆統攝於脾補脾和胃血自生矣凡經行之際禁用苦寒辛散之藥飲食亦然詩云婦人和平則樂有子和則陰陽不乖平則氣血不爭故經云平和之氣二句一見可不慎哉

精血論第一

齊大夫補遺書

飲食五味養骨髓肌肉毛髮男子為陽陽中必有陰陰中之數八故一八而陽精外二八而陽精溢女子為陰陰中必有陽陽中之數七故一七而陰血外二七而陰血溢皆飲食五味之實秀也方其升也智慮開明齒牙更始髮黃者黑筋弱者強既其溢也凡充身體手足耳目之餘雖針芥之歷無有不下凡子形肖父母者以其精血嘗於父母之身無所不歷也是以父一肢廢則子一肢不肖其父母一自虧則子一自不肖其母然雌鳥牝獸無天癸而成胎何也鳥獸精血

往來尾間也精未通而御女以通其精
則五體有不滿處異日有難狀之疾
陰已痿而思色以降其精則精不出
而內敗小便溢而為淋精已耗而復
竭之則大小便牽痛愈痛則愈便愈
便則愈痛女人天癸既至踰十年無
男子合則不調未踰十年思男子合
亦不調不調則舊血不出新血誤行
或潰而入骨或變而為腫後雖合而
難子合多則瀝枯虛人產衆則血枯
殺入觀其精血思過半矣○愚按丹
溪先生云人受天地之氣以生天之
陽氣為氣地之陰氣為血故氣常有
餘血常不足夫人之生也男子十六

歲而精通女子十四歲而經行故古
人必待三十二而後嫁娶可見陰
氣之難成而養之必欲其固也經曰
年至四十陰氣自半而起居衰矣夫
陰氣之成止供給得三十年之運用
况男子六十四歲而精絕女子四十
九歲而經斷夫腎乃陰中之陰也主
閉藏者肝乃陰中之陽也主疎泄者
然而二臟皆有相火其系上屬于心
心火一動則相火翕然而從之所以
丹溪先生只是教人收心養性其旨
深矣天地以五行更迭衰旺而成四
時人之五臟六腑亦應之而衰旺如
四月屬巳五月屬午為火大旺火為

肺金之夫火旺則金衰六月屬未爲
土大旺土爲水之夫土旺則水衰况
腎水常藉肺金爲母以補其不足古
人於其月必獨宿而淡味兢兢業業
保養金水二臟正嫌火土之旺爾經
又曰冬藏精者春不病溫十月屬亥
十一月屬子正火氣潛藏必養其本
然之真陰以助來春生發之氣則春
未其初無頭痛脚軟食少體熱注其
之病矣竊謂人之少有老態不耐寒
暑不勝勞役四時迭病皆因氣血方
長而勞心虧損或精血未滿而早斷
喪故見其症難以名狀若左尺脈虛
弱或細數是左腎之真陰不足也用

六味丸右尺脈遲軟或沉細而數欲
絕是命門之相火不足也用八味丸
至於兩尺微弱是陰陽俱虛用十補
丸此皆滋其化源也不可輕用黃柏
知母之類設或六淫外侵而見諸症
亦因其氣內虛而外邪湊襲尤宜用
前藥

附治驗 男子陰痿精耗治驗見內
科摘要

○婦人年三十有七早孀居兩腿骨
作痛晡熱體倦月經不調或發寒熱
數年矣一日頸項兩側結核兩脇脹
痛此係肝經鬱火而成也先用小柴
胡湯合四物數劑肝症頓愈又用加
味逍遙散加澤蘭乳香沒藥三十劑

血症漸痊再用加味歸脾等藥年餘而安

○孀婦兩腿作痛或用除濕化痰等藥遍身作痛而無定處余曰此血症也不信乃服流氣飲之類而死

○放出宮人年四十餘臀腿內股作痛晡熱口乾月經不調此係肝經血少不能養經絡而然也宜用加味道遙散加澤蘭葉五十餘劑諸症稍緩又以歸脾湯兼服二百餘劑而痊

○放出宮人臀腿腫痛內熱晡熱惡寒體倦咳嗽胸痞月經過期而少彼以為氣毒流注服清熱理氣之劑益甚余曰此乃肝經瘀血停留所致蓋

肝經上貫膈布脇肋循喉嚨下循臍內廉繞陰器抵少腹主治之法但當補其所不勝而制其所勝補者脾也制者肝也經曰虛則補之實則瀉之此定法也彼不信仍服前藥遂致不起

附方

○六味丸 ○八味丸

○十補丸 三方見二十四卷第十一論

○小柴胡湯 方見二十四卷第六論

○四物湯 方見二十四卷第六論

○加味逍遙散

○加味歸脾湯 二方見二十四卷第四論

產寶方序論第三

大寧治病先論其所主男子調其氣
女子調其血氣血者人之神也然婦
人以血為基本苟能謹於調護則血
氣宜行其神自清月水如期血凝成
孕若脾胃虛弱不能飲食榮衛不足
月經不行飢膚黃燥面無光澤寒熱
腹痛難於子息或帶下崩漏血不流
行則成痼症○愚按前症若婦人脾
胃久虛以致氣血俱衰遂而月經不
行宜補其胃氣滋其化源或患中消
胃熱津液不生而致血海乾涸宜清
胃補脾其經自行矣經曰胃者衛之
源脾者榮之本鍼經曰榮出中焦衛
出上焦衛不足益之必以辛榮不足
補之必以甘甘辛相合脾胃健而榮
衛生是以氣血俱旺也或因勞心虛
火妄動月經錯行宜安心補血瀉火
此東垣先生治法也

王醫方論第四

論曰經者常候也謂候其一身之陰
陽愆伏知其安危故每月一至太過
不及皆為不調陽太過則先期而至
陰不及則後時而來其有乍多乍少
斷絕不行崩漏不止皆由陰陽衰盛
所致○愚按經云脾統血肝藏血此
症多因恚怒傷肝鬱結傷脾所致當
從二經為主而參以前論治之

月水不調方論第五

婦人月水不調由風邪乘虛客於胞中而傷衝任之脈損乎太陽少陰之經蓋衝任之脈皆起於胞中為經絡之海與手太陽小腸手少陰心經為表裏上為乳汁下為月水然月水乃經絡餘荷能調攝得宜則經應以時矣○愚按經曰飲食入胃遊溢精氣上輸於脾脾氣散精上歸於肺通調水道下輸膀胱水精四布五經並行東垣先生所謂脾為生化之源心統諸經之血誠哉是言也竊謂心脾平和則經候如常苟或七情內傷六淫外侵飲食失節起居失宜脾胃虛損心火妄動則月經不調矣又丹溪先

生云先期而至者血熱也後期而至者血虛也愚所謂先期而至者有因脾經血燥有因脾經鬱火有因肝經怒火有因血分有熱有因勞役火動過期而至者有因脾經血虛有因肝經血少有因氣虛血弱主治之法脾經血燥者加味道遙散脾經鬱火者歸脾湯肝經怒火者加味小柴胡湯血分有熱者加味四物湯勞役火動者補中益氣湯脾經血虛者人參養榮湯肝經血少者六味地黃丸氣虛血弱者八珍湯蓋血生於脾土故云脾統血凡血病當用苦甘之劑以助陽氣而生陰血也

附治驗

○婦人發熱口乾月經不調兩腿無力或用祛風滲濕之劑腿痛體倦二膝浮腫經事不通余作足三陰經血虛火燥名鶴膝風用六味八味二丸兼服兩月形體漸健飲食漸進膝腫漸消半載而痊

○婦人月事末期而至發熱自汗或用清熱止汗之劑作渴頭眩手掉身麻余曰此肝經血虛火動火為陽陽盛則生風用柴胡炒芩連山梔歸芍生地丹皮各一錢參芪苓朮各一錢五分川芎七分甘草五分二劑汗止更用補中益氣而愈

○婦人經行勞役忽然昏憤面赤吐痰余曰此乃去血過多陽無所附故耳急飲童便碗許神思漸爽更用參芪各五錢芎歸各三錢玄參柴胡山梔炙草各一錢一劑又用逍遙散加五味麥門二劑如此月餘漸愈但體倦面黃又以十全大補加五味麥門治之而愈

○婦人性善怒產後唇腫內熱或用清熱敗毒散唇口腫脹日晡熱甚月水不調再用降火化痰遂令食少作嘔大便不實唇出血水又用理氣消導胸膈痞滿頭目不清唇腫經閉又用清胃行血肢體倦怠發熱煩躁涎

水湧出又欲用通經之劑余曰病本
七情肝脾虧損又數行攻伐故元氣
之益虛耳法當補陰益陽遂以濟生
歸脾湯加味逍遙散補中益氣湯調
治元氣漸復諸症悉愈

○薑黃散 治瘀血凝滯肚腹刺痛
或腹脹發熱口乾等症

薑黃 當歸酒拌各二錢 蓬朮醋炒 紅花

桂心 川芎 玄胡索炒

牡丹皮各五分 右水酒各一半煎服

○醋附丸 治元臟虛冷月候不調
頭眩少食渾身寒熱腹中急痛赤白
帶下心冲氣悶血中虛寒胎氣不固
用醋煮香附半斤焙為末醋糊丸桐

子大每服三四十九米飲下○愚按
前症若元臟虛寒手足逆冷用八味
丸手足發熱用六味丸氣血不足用
八珍湯中氣不足用補中益氣湯脾
氣不足用六君子湯脾氣鬱結用歸
脾湯若例用香散之劑恐陽氣燥而
陰血漸衰也

附方

○加味逍遙散○八珍湯

○歸脾湯三方見二十四卷第四論

○加味小柴胡湯方見二十四卷第
二論

○加味四物湯○六君子湯

○補中益氣湯三方見二十四卷第
六論

○人參養榮湯方見二十四卷第二
論

○八味丸 ○六味丸 二方見三十四卷第十一論

月經不通方論第六

婦人月水不通或因醉飽入房或因勞役過度或因吐血失血傷損肝脾但滋其化源其經自通若小便不利苦頭眩痛腰背作痛足寒時痛久而血結於內變為癥瘕若血水相併脾胃虛弱壅滯不通變為水腫若脾氣衰弱不能制水水漬肌肉變為腫滿當益其津液大補脾胃方可保生○愚按經水陰血也屬衝任二脈上為乳汁下為月水其為患有因脾虛而不能生血者有因脾鬱而血不行者有因胃火而血消燦者有因脾胃損

而血少者有因勞傷心而血少者有因怒傷肝而血少者有因腎水不能生肝而血少者有因肺氣虛不能行血者治療之法若脾虛而不行者調而補之脾鬱而不行者解而補之胃火而不行者清而補之脾胃損而不行者溫而補之勞傷心血而不行者逸而補之怒傷肝而不行者和而補之肺氣虛而不行者補脾胃腎虛而不行者補脾肺經云損其肺者益其氣損其心者調其榮衛損其脾者調其飲食適其寒溫損其肝者緩其中損其腎者益其精皆當審而治之

附治驗

○婦人停食飽悶發熱或用人參養胃湯益甚再用木香枳榔丸泄瀉吐痰腹中成塊飲食少思又用二陳黃連厚朴之類前症益甚腹脹不食月經不至余以為胃氣虧損用補中益氣加茯苓半隻三十餘劑脾胃健而諸症愈又二十餘劑而經自行

○婦人飲食後或腹脹或吞酸彼服枳朮丸吞酸益甚飲食日少胸膈痞滿腿內酸痛畏見風寒又服養胃湯一劑腿內作痛又二劑腿膝浮腫月經不行余謂鬱結所傷脾虛濕熱下注侵晨用四君一陳芎歸午後以前湯送越鞠丸飲食漸進諸症漸愈又

用歸脾八珍二湯兼服兩月餘而經行

○婦人性沉多慮月經不行胸膈少食或作脹或吞酸余以為中氣虛寒用補中益氣加砂仁香附煨薑一劑胸膈和而飲食進更以六君加芎歸貝母桔梗生薑大棗數劑脾胃和而經自調矣

○婦人素有胃火或用清胃散而安後因勞役躁渴內熱肌肉消瘦月經不行余謂此胃火消燦陰血用逍遙散加丹皮炒梔以清胃熱用八珍湯加茯苓遠志以養脾血而經自行矣

○婦人久患瘧形體怯弱內熱晡熱

自汗盜汗飲食少思月事不行或用
通經丸虛症悉具余曰此因虛而致
瘡因瘡以閉經也用補中益氣及六
味地黃丸各百餘劑瘡愈而經自行
○婦人久患瘡瘡作則經不行形虛
脈大頭痛懶食大便泄瀉小便淋瀝
口乾唇裂肉熱腹膨蓋由久瘡正氣
已虛陰火獨旺用補中益氣湯治之
尋愈惟不時頭痛乃加芩荊子而痛
止又兼用六味地黃丸而經行

○婦人因勞耳鳴頭痛體倦此元氣
不足用補中益氣加麥門五味而痊
三年後得子因飲食勞倦前症益甚
月經不行哺熱內熱自汗盜汗用六

味地黃丸補中益氣湯頓愈

○婦人胃氣素弱為哭母吐血咳嗽
發熱盜汗經水三月不行余以為悲
則傷肺思則傷脾遂朝服補中益氣
加桔梗具母知母夕用歸脾湯送地
黃丸而愈

○癰婦少寐經水兩月餘一至誤服
通經丸展轉無寐午前惡寒午後發
熱余以為思慮虧損脾血用歸脾湯
作丸午前以六君送下午後以逍遙
散送下兩月餘得寐半載經行如期
年餘而瘡愈餘詳見各門

附方

○補中益氣湯○四君子湯

○六君子湯三方見二十四卷第六論

○二陳湯方見二十四卷第五論

○越鞠丸方見六卷第七論

○歸脾湯○逍遙散

○八珍湯三方見二十四卷第四論

○清胃散方見二十四卷首論

○六味丸方見二十四卷第十一論

養生必用論病第七

初虞世云女子十四天癸至任脈通月事以時于是有子夫癸者物之自然月者以月至經者有常也其來過與不及皆謂之病若榮血虧損不能滋養百骸則髮落面黃羸瘦燥熱氣盛則金受邪金受邪則為咳為嗽

為肺癰為肺痿必矣但助胃壯氣則榮血生而經自行須慎飲食調七情保神氣庶可得生若暴怒氣逆經閉不行當用行氣破血之劑○愚按劉宗厚先生云榮者水穀之精和調於五臟灑陳於六腑乃能入於脈也源源而來化生於脾總統於心藏受於肝宣布於肺施泄於腎灌溉一身目得之而能視耳得之而能聽手得之而能握足得之而能步臟得之而能液腑得之而能氣注之於脈少則濇充則實常以飲食滋養則陽生陰長變化而為血諸經恃此則百脈長養耗竭則百脈空虛可不慎哉若陰氣

一傷變症百出矣行於上則吐衄衰
涸於下則癃閉血滲腸間則為腸風
陰虛陽搏則為崩中濕蒸熱厥則為
滯下熱極腐化則為膿血火極似冰
則血紫黑熱勝於陰發為瘡瘍濕滯
於血則為痛痒癢疹黃在上則善
忘蓄之在下則善狂

○琥珀散 治心膈迷悶肚腹撮痛
月信不通等疾

烏藥二兩 當歸酒製 蓬木醋製

右為末每服二錢溫酒調

○萬病丸 治月經瘀閉臍腹作痛
及產後癥瘕等病

乾漆炒烟出青 牛膝酒入焙

右為末生地黄汁一升砂器慢火熬

膏九桐子大每服二下九空心米飲

下仍參前論王之

○紅花當歸散 治經候不行腰膝
重痛小腹堅硬

紅花 當歸尾酒製 紫葳 牛膝酒

甘草炙 蘇木各二錢 白芷 桂心各一錢

赤芍藥炒 劉寄奴去根

右為末每服三錢溫酒調

室女月水不通方論第八

論曰夫衝任之脈起於胞內為經脈
之海乎太陽小腸手小陰心二經為
表裏女子二七而天癸至腎氣全盛
衝任流通經血既盈應時而下否則

不通也○愚按前症若稟陰血不足
用四物參苓怒傷肝血用加味逍遙
散鬱結傷脾用加味歸脾湯肝火拂
鬱用加味小柴胡湯胃經積熱用加
味清胃散餘當參考前論

附方

- 四物湯方見二十四卷第六論 ○加味逍遙散
- 加味歸脾湯二方見二十四卷第四論
- 加味小柴胡湯方見二十四卷第二論
- 加味清胃散方見二十四卷首論

至女經閉成癆方論第九

寇宗奭曰夫人之生以氣血為本人
之病未有不先傷其氣血者若室女
童男積想在心思慮過度多致勞損

男子則神色消散女子則月水先閉
蓋憂愁思慮則傷心而血逆竭神色
先散月水先閉且心病則不能養脾
故不嗜食脾虛則金虧故發嗽腎水
絕則太覺不榮而四肢乾癆故多怒
而髮焦筋骨痠若五臟傳遍則死自
能改易心志用藥扶持庶可保生切
不可用青蒿蟲等涼血行血宜用
栢子仁丸澤蘭湯益陰血制虛火○
愚按經云五穀入於胃其糟粕津液
宗氣分為三隧故宗氣積於胸中出
於喉嚨以貫心肺而行呼吸榮氣者
秘其津液注之於脈化以為血以榮
四末內養五臟六腑若服苦寒之劑

復傷胃氣必致不起

附治驗

○室女年十七癸火不愈天癸未通發熱咳嗽飲食少思欲用通經丸余曰此蓋因稟氣不定陰血未充故耳但養氣血益津液其經自行彼惑於速効仍用之余曰非其治也此乃慄悍之劑大助陽火陰血得之則妄行脾胃得之則愈虛後果經血妄行飲食愈少遂致不救

○栢子仁丸

栢子仁研別 牛膝酒製 卷栢各半
澤蘭葉兩 右為末蜜丸桐子大每服三十九丸空心米飲下

○澤蘭湯

澤蘭葉二錢 當歸 芍藥各一錢
甘草灸五分 右水煎服

○切勞散 治勞嗽發熱盜汗躰瘦唾中有紅或成肺痿

白芍藥炒 黃芪炒 甘草炒 人參
五味子炒 當歸 半隻姜製 白茯苓
熟地黃自製 阿膠各五分

右薑棗水煎日三服鄉人楊元鼎女及并病此甚危百藥無効偶遇名醫得此方服三十餘劑遂愈不發

血枯方論第十

腹中論曰有病胸脇支滿者妨於食病空則先聞腥臊臭出清液四肢清

目眩時時前後血病名曰血枯此年
少時因大脫血或醉而入房虧損腎
肝蓋肝藏血受天之氣以為滋榮
其經上貫膈布脇肋若脫血失精肝
氣已傷肝血枯涸不榮而胸脇滿妨
於食則肝病傳脾而聞腥臊臭出清
液若以肝病而肺乘之則噤血四肢
清目眩時時前後血出皆肝病血傷
之症也○愚按前症若飲食起居失
宜而脾胃虛損當滋化源而佐以烏
賊丸等藥若因脾土虛寒而不能生
血宜補命門火若服燥藥鬱火內作
而津液消燦宜清熱養血若脾胃虛
損而氣血虛宜補中益氣若胃熱消

中而血液耗損宜清脾胃之火若太
便秘澁小便清利而經不行宜清胞
絡之火若勞傷心火血涸而經不行
宜補心養血仍參看前第三論主治

附治驗

○婦人久患血崩肢躄消瘦飲食到
口則聞腥臊口出清液每食少許腹
中作脹此血枯之症肺肝脾胃虧損
之患用八珍湯烏賊骨丸兼服兩月
而經行百餘劑而安

○烏賊魚骨丸

烏賊魚骨去甲 四兩 蔞茹一兩

右為末以雀卵丸小豆大每服五丸
加至十九丸鮑魚煎湯下以飲壓之

○熟地黃湯 治大脫血或際入房月事不行以致前症

熟地黃自製澤蘭葉 白茯苓

人參 五味子炒附子炮馬餘糧製

當歸酒製各五分

右為末每服三錢水煎空心服

附方

○八珍湯 方見二十四卷第四論

○茯苓補心湯 治婦人心氣虛耗不能主血又不能制乎肺金氣得以

乘乎肝木肝既虧損則血不能藏漸致精血枯涸月事不調此方專補心

元之虛抑其肺氣調和榮衛滋養血脈前方參蘇飲內除木香與四物湯

對勻和每服四錢以薑棗煎溫服此方常進用以治宮娥多効

月水不利方論

婦人月水不利者由勞傷氣血體虛而風冷客於胞內傷於衝任之脈故也若寸脈弦關脈沉是肝病也兼主

腹痛孔竅生瘡尺脈滑血氣實經絡不利或尺脈絕不至兼主小腹引腰

痛氣攻胸膈也○愚按前症屬肝膽二經蓋肝膽相為表裏多因恚怒所

傷若本經風熱用補肝散血虛用四物加酸棗仁若腎水不足用六味丸

若患諸瘡瘍治見第八卷二十四卷

○牛膝散 治月水不利臍腹作痛

大醫方

卷一

一

一

一

一

一

一

一

或ハホカニキ小腹引腰氣攻胸膈

牛膝酒製桂心 赤芍藥炒桃仁去皮

玄胡索炒當歸酒浸牡丹皮各一兩

木香三錢右為末每服一錢溫酒調

下或每服三五錢水煎

附方

○補肝散 方見七卷第十一論

○四物湯 方見二十四卷第六論

○六味丸 方見二十四卷第十一論

月水行止腹痛方論第十二

婦人經來腹痛由風冷客於胞絡衝

任或傷手太陽少陰經用溫經湯桂

枝桃仁湯若憂息氣鬱而血滯用桂

枝桃仁湯地黃通經丸若血結而成

塊用萬病丸○愚按前症若風寒傷

脾者六君加炮薑思慮傷血者四物

加參朮思慮傷氣者歸脾加柴梔鬱

怒傷血者歸脾逍遙兼服餘參前後

論治之

附治驗

○婦人經行腹痛食則嘔吐肢體倦

怠發熱作渴此乃素稟氣血不足用

八珍湯二十餘劑而愈後生子二年

而經不行前症仍作服八珍湯逍遙

散百餘劑方愈

○地黃通經丸 治月經不行或產

後惡露臍腹作痛

熟地黃自製 四兩 蜜蟲法頭

水蛭林表同煨 桃仁去皮尖各五十枚
右為末蜜丸桐子大每服五七丸空
心溫酒下

○萬病丸 方見前

○溫經湯 治寒風客於血室以致
血氣凝滯腹痛其脈沉緊

當歸 川芎 芍藥 桂心

蓬朮醋炒 牡丹皮各五分 人參 牛膝酒炒

甘草炒各三分 右水煎服

○桂枝桃仁湯 治經脈頓然不行
腹中作痛或上攻心脇欲死或因經
脈不行漸成積塊臍下如覆杯

桂枝 芍藥 生地黄各二錢

桃仁七枚去皮尖 甘草錢一 右薑水煎

若因七情鬱結血隨氣滯者宜服此
湯如不瘳用地黃通經丸已成血塊
者用萬病丸方見前 愚按前症若肝
經怒氣用加味逍遙散若肝經血虛
用四物參朮柴胡牡丹皮若肝經血
熱用四物牡丹皮若肝腎虛火用六
味地黃丸若肝脾血虛用八珍加牡
丹皮若肝脾鬱怒用加味歸脾湯若
氣虛血弱用補中益氣湯若脾不能
攝血用六君子加川芎當歸若肝虛
不能藏血用補肝散

附方

○六君子湯 ○四物湯 二方見三十一
四卷第六論

○歸脾湯 ○逍遙散

○八珍湯 三方見二十四卷第四論

月水不斷方論第十三

婦人月水不斷淋漓腹痛或因勞損氣血而傷衝任或因經行而合陰陽以致外邪客於胞內滯於血海故也但調養元氣而病邪自愈若攻其邪則元氣反傷矣○愚按前症若鬱結傷脾用歸脾湯悲怒傷肝逍遙散肝火妄動加味四物湯脾氣虛弱六君子湯元氣下陷補中益氣湯熱傷元氣前湯加五味麥門炒黑黃柏

附治驗

○儒者錢思習子室年二十餘無嗣月經淋漓無期夫婦異處幾年矣思

習欲為娶妾以謀諸余余意此極怒傷肝脾虛火動而血不歸經乃肝不能藏脾不能攝也當清肝火補脾氣遂與加味歸脾逍遙二藥四劑送至其家仍告其姑曰服此病自愈而當受胎妾可無娶也果病愈次年生子

○婦人性急每怒非太陽耳項喉齒胸乳作痛則胸滿吞酸吐瀉少食經行不止此皆肝火之症肝自病則外症見土受尅則內症作余先以四物加白朮茯苓柴胡炒梔炒龍膽清肺養血次用四君加柴胡芍藥神麴吳茱萸炒黃連以培土制肺漸愈惟月經不止是血分有熱脾氣尚虛以逍

透散倍用白朮茯苓陳皮又以補中益氣加酒炒芍藥煎服而安

○婦人多怒經行旬餘方止後淋瀝無期肌身倦瘦口乾內熱盜汗如洗日晡熱甚皆由肝脾虧損無以生發元氣用參芪歸朮茯神遠志棗仁麥門五味丹皮龍眼肉炙草柴胡升麻治之獲痊

○婦人懷抱不舒腹脹少寐飲食素少痰涎上涌月經頻數余白脾統血而主涎此鬱悶傷脾不能攝血歸源耳用補中益氣濟生歸脾而愈

附方

○歸脾湯○逍遙散二方見二十四卷第四論

○加味四物湯○四君子湯

○六君子湯○補中益氣湯四方見二十四卷第六論

婦人殺血心痛方論第十四

婦人血崩而心痛甚名曰殺血心痛由心脾血虛也若小產去血過多而心痛甚者亦然用烏賊魚骨炒為末醋湯調下失笑散亦効愚按前症若陰血耗散用烏賊丸收斂之若瘀血不散用失笑散行散之若心血虛弱用芎歸湯補養之若鬱結傷血用歸脾湯調補之

附治驗

○婦人血崩兼心痛三年矣諸藥不應每痛甚虛症悉具面色痿黃余曰

心主血蓋由去血過多心無所養以致作痛宜用十全大補湯參朮倍之三十餘劑稍愈百餘劑全愈

附方

○失笑散 方見二十卷第五論

○芎歸湯 方見十七卷第四論

○歸脾湯 ○十全大補湯 二方見二十四卷第四論

暴崩下血不止方論第十五

婦人衝任二脈為經脈之海外循經絡內榮臟腑若陰陽和平經下依時若勞傷不能約制則忽然暴下其則昏悶若寸脈微遲為寒在上焦則吐血衄血尺脈微遲為寒在下焦則崩血便血大抵數小為順洪大為逆大法當調補脾胃為主○愚按經云陰虛陽搏謂之崩又云陽絡傷則血外溢陰絡傷則血內溢又云脾統血肝藏血治法前症因脾胃虧損不能攝血歸源用六君加芎歸柴胡若肝經之火而血下行用奇効四物湯或四物加柴梔苓朮若肝經風熱而血妄行用加味消遙散或小柴胡梔芎丹皮若怒動肝火而血沸騰亦用前藥若脾經鬱結而血不歸經用歸脾加柴梔丹皮若悲傷胞絡而血下崩用四君加柴梔外麻故東垣先生云凡下血症須用四君子以救功厥有旨哉若大吐血母以脈論當急用獨參

湯救之若潮熱咳嗽脈數乃元氣虛弱假熱之脈尤當用人參溫補此等症候無不由脾胃先損故脈洪大察其有胃氣能受補則可救若用寒涼止血之藥復傷脾胃反不能攝血歸源是速其危也

附治驗

○大尹王天成之內久患崩自服四物涼血之劑或作或徹因怒發熱其血不止服前藥不應乃主降火更加脇腹大痛手俱冷余曰此脾胃虛寒所致先用附子理中湯體熱痛止又用濟生歸脾補中益氣二湯崩血頓愈若泥痛無補法則誤矣

○錦衣楊求與之內患前症過服寒涼之劑其症益甚更加肚腹痞悶飲食不入發熱煩躁脈洪大而虛余曰此脾經氣血虛而發躁也當急用八珍湯加炮薑以溫補之緩則不救不信乃服止血降火之劑虛症蜂起始信余言緩不及治矣

○婦人面黃或赤覺腰間或臍下作痛四肢困倦煩熱不安經行先發寒熱兩肋如束血湧如崩此脾胃虧損元氣下陷與相火濕熱所致用補中益氣加防風芍藥炒黑黃柏間以歸脾湯調補而血始歸經

○婦人因怒崩血久不已面青黃而

或赤此肝木制脾土而血虛用小柴
胡合四物清肝火生肝血又用歸脾
補中二湯益脾氣生肝血而瘥此症
若因肝經風熱而血不寧者防風爲
丸以兼症之藥煎送或肝經火動而
血不寧者炒條芩爲丸以兼症之藥
煎送若瘀血爲患用五靈脂爲末燒
鐵器碎酒調服無不効者

○奇効四物湯 治肝經虛熱血沸
騰而崩久不止

當歸酒拌熟地黃自製白芍藥 川芎

阿膠炒艾葉炒黃芩炒各等分

右每服四錢水煎

○治血崩血瘕或經行產後心腹脇

痛五靈脂炒烟盡爲末每服一錢溫
酒調或用三錢水酒童便煎服

○治風熱血崩荆芥穗燈火燒焦爲
末每服三錢童便調

○獨聖散 治肝經有風血崩用防
風去蘆爲末每服二錢空心食前酒煮

白麵清飲調下極驗

○神應散 治血虛內熱血不歸源
而崩用桂心燒存性爲末每服一二
錢米飲調下

○又方陳槐花一兩百草霜半兩爲
末每服一二錢燒紅秤鐔煅酒下

附方

○四君子湯○六君子湯

補中益氣湯 ○四物湯 四方見二十
四卷第六論

歸脾湯 ○加味道遙散 ○八珍湯 三方見二十
四卷第四論

獨參湯 方見二十三卷
第十三論

附子理中湯 方見二十卷第八論

小柴胡湯 方見二十四卷第二論

帶下方論第十六

婦人帶下其名有五因經行產後風邪入胞門傳於臟腑而致之若傷足厥陰肝經色如青泥傷手少陰心經色如紅津傷手太陰肺經形如白涕傷足太陰脾經黃如爛瓜傷足少陰腎經黑如衄血又有帶脈橫於腰間如束帶之狀病生於此故名爲帶○愚按徐用誠先生云前症白屬氣而赤屬血東垣先生云血崩久則亡陽故白滑之物下流未必全拘於帶脈亦有濕痰流注下焦或腎肝陰淫之濕勝或因驚恐而木乘土位濁液下流或思慕爲筋痿戴人以六脈滑大有方用宜導之法此瀉其實東垣以脈微細沉緊或洪大而虛用補陽調經乃兼貴其虛也丹溪用海右南星椿根皮之類乃治其濕痰也竊謂前症皆當壯脾胃升陽氣爲主佐以各經見症之藥色青者屬肝用小柴胡加山梔防風濕熱壅滯小便赤瀉用龍膽瀉肝湯肝血不足或燥熱風熱用六味丸色赤者屬心用小柴胡加

大醫心方卷一
七十六

黃連山梔當歸思慮過傷用妙香散
等藥色白者屬肺用補中益氣加山
梔色黃者屬脾用六君子加山梔柴
胡不應用歸脾湯色黑者屬腎用六
味丸氣血俱虛八珍湯陽氣下陷補
中益氣湯濕痰下注前湯加茯苓半
隻蒼朮黃柏氣虛痰飲下注四七湯
送六味丸不可拘肥人多痰瘦人多
痰而以燥濕瀉火之藥輕治之也

附治驗

○孀婦腹脹脇痛內熱晡熱月經不
調肢體痠麻不時吐痰或用清氣化
痰喉間不利帶下青黃腹脇膨脹又
用行氣之劑胸膈不利肢體如麻此

乃鬱怒傷損肝脾朝用歸脾湯以解
脾鬱生脾氣夕用加味道遙散以生
肝血清肝火百餘劑而愈

○婦人久瘧兼帶發熱口乾體倦用
七味白朮散加麥門五味大劑煎與
恣飲再發稍可乃用補中益氣加茯
苓半隻十餘劑而愈

○婦人頭暈吐痰胸滿氣喘得食稍
緩苦於白帶二十餘年矣諸藥不應
此氣虛而痰飲也痰飲愈而帶自愈
遂朝用六君子湯夕用六味地黃丸
不月而驗

○婦人耳鳴胸痞內熱口乾喉中若
有一核吞吐不利月經不調兼之帶

下余以為肝脾鬱結用歸脾湯加
半隻山梔外麻柴胡間以四七湯下
白丸子而愈

○婦人吞酸飽滿食少便泄月經不
調服清氣化痰丸兩膝漸腫寒熱往
來帶下黃白面痿體倦此脾胃俱虛
濕痰下注用補中益氣倍用參朮加
茯苓半隻炮薑而愈

○婦人帶下四肢無力余曰四肢者
土也此脾胃虛弱濕痰下注以補中
益氣濟生歸脾二藥治之而愈

○婦人帶下黃白怒則胸膈不利飲
食少思或用消道利氣之藥痰喘胸
滿大便下血余曰此因脾氣虧損不

能攝血歸源用補中益氣加茯苓半
隻炮薑四劑諸症頓減又用八珍加
柴胡山梔而痊

附方

○小柴胡湯 方見二十四卷第二論

○龍膽瀉肝湯 方見二十四卷第八

○六味丸 方見二十四卷第十一論

○妙香散 方見三卷第十三論

○補中益氣湯

○六君子湯 方見二十四卷第六

○歸脾湯 ○八珍湯

○加味道遙散 方見二十四卷第

○七味白朮散 方見二十一卷第二

○四七湯 方見十二卷第七論 ○白丸子 方見三卷第四論

崩中漏血生死脈方論

婦人崩中漏下之症已見前論按其寸口脈弦而大弦則為緊大則為芤緊則為寒芤則為虛虛寒相搏其脈為牢婦人半產漏下赤白不止脈小虛滑者生脈大緊實數者死又脈急疾者死遲者生又云尺寸脈虛者漏血脈浮者俱不治○愚按前症闡內經微旨濟無窮大孔須固胃為善蓋胃為五臟之本源人身之根蒂所用治法當參前後論

附治驗

婦人年將七十素有肝脾之症每作則飲食不進或胸膈不利或中脘作痛或大便作瀉或小便不利余用逍遙散加山梔茯神遠志木香而愈後憂女孀居不時吐紫血其病每作先倦怠而後發熱經曰積熱傷脾積思傷脾肺脾受傷舉是令子母俱病不能攝血歸經而致前症遂以前藥加炒黑黃連二分與茱萸一分頓愈復因怒吐赤血甚多躁渴垂死此血脫也法當補氣乃用人參一兩芩朮當歸各三錢陳皮炮黑乾薑各二錢炙草木香各一錢一劑頓止

○婦人年六十有四久鬱怒頭痛寒熱春間乳內時痛服流氣飲之類益甚不時有血如經行又因大驚恐飲

食不進夜寐不安此因高年去血過多至春無以生發肝木血虛火燥所以至晚陰旺則發赤經云肝藏魂無所附故不能寐先以逍遙散加酒炒黑龍膽草一錢山梔一錢五分二劑腫痛頓退又一劑而全消再用歸脾湯加炒梔貝母諸症悉愈

○表弟方健甫內五十歲辛丑患血崩諸藥罔效壬寅八月身熱體痛頭暈涕出吐痰少食衆作火治展轉發熱絕粒數日余診之曰脾胃久虛過服寒藥中病未已寒病復起遂用八味丸料一服翌草遂索粥數匙再服食倍熱減痛止乃服八味丸而愈矣
卯秋因勞役憂怒甲辰夏病復作胸飽發熱脊痛腰疼神氣怫鬱或作內傷或作中暑崩血便血煩渴引飲粒米不進昏憤時作脈洪大按之微弱此無根之火內虛寒而外假熱也以十全大補加附子一劑遂食粥三四匙筋血漸減日服八味丸始得全愈
備見女科撮要

○栢葉散 治元氣虛弱崩中漏血年久不愈亦治白帶

栢葉炒續斷 川芎 當歸

生地黄 鱉甲炙龜甲 禹餘糧

各一兩 阿膠炙 赤石脂煨 艾葉炒

五錢 牡蠣煨 地榆 鹿茸炙

右為末每服二錢粥飲調下

○地黄丸 治足三陰虧損經行數日不止或兼帶下無子

熟地黄自製 山茱萸肉 無英仁各一兩

乾薑三錢 白芍藥微炒 代赭石各一兩

白僵蚕炒 厚朴姜製各三錢

右為末蜜丸桐子大每服五十九空

心溫酒日三服許學士云凡婦人有

白帶多致不產育宜速治之故扁鵲

過邯鄲聞婦人有此病遂自鳴帶下

醫以就治之

○白芷散 治下元虛弱赤白帶下

或經行不止等症

白芷一兩 海螵蛸二枚 胎髮一團

右為末每服二錢溫酒調下

附方

○東垣益胃外陽湯 治血脫當益

其氣蓋先補胃氣以助生發之氣故

曰陽生陰長諸甘藥為之先務舉世

皆以為補氣殊不知甘能生血此陽

生陰長之理故先理胃氣則血歸於

脾矣故曰脾統血

○東垣外麻除濕湯二方見二十卷第九論

○東垣外陽益胃湯 治肺脾胃虛

怠惰嗜臥四肢不收身體沉重口乾

食無味大便不調小便頻數食少食

不消酒浙惡寒而或微熱崩帶不止

方見三卷第十三論

十全大補湯 ○ 逍遙散

歸脾湯 三方見二十四卷第四論

八味丸 方見二十四卷第十一論

婦人白濁白淫方論第十八

婦人小便白濁白淫由心腎不交水火不濟用金鎖正元丹若心虛而致用平補正心丹降心丹威喜丸若思慮傷脾用四七湯吞白丸子更以烏沉湯加茯苓益智 ○ 愚按前症若元氣下陷用補中益氣湯脾胃虧損六君加升麻柴胡脾經鬱結歸脾加黃柏山梔肝經怒火龍膽瀉肝湯虛則用加味道遙散宜與帶下參看王治

附治驗

○ 婦人善怒或小腹痛悶或寒熱往來或小便頻數時下白淫藥又不愈面青口苦余以為積憤而不能發散所致用龍膽瀉肝湯而愈用加味道遙散八珍湯而安

○ 鎖精丸 治下元虛弱小便白濁

淋瀝小便頻數

破故紙 炒 青鹽 白茯苓 去皮

五味子 炒等分 右為末酒糊丸桐子

大每服三十九鹽湯或酒下

○ 固精丸 治胞氣虛寒小便白濁

或小便無度等症

牡蠣 煨 兔絲子 酒浸 韭子 炒 龍骨 煨

五味子 炒 白茯苓 去皮 桑螵蛸 酒炙

白石脂煨各等分右爲末酒糊丸桐子大每服七十九空心鹽湯下

附方

○補中益氣湯二方見于四卷第六論○六君子湯

○龍膽瀉肝湯方見二十四卷第八論

○歸脾湯方見二十四卷第四論

婦人天癸過期方論第十九

許學士云婦人經脈過期不及腰腹疼痛或七七數盡而月經下者宜用當歸散治之○愚按前症若肝腎虛熱用當歸散肝血虛熱四物加柴梔丹皮肝火內動小柴胡加山梔丹皮肝火血燥加味道遙散脾經鬱火加味歸脾湯肝脾鬱火歸脾道遙兼服

肝腎虧損歸脾六味兼服仍與前後月經不調治驗同用

附治驗

○婦人年五十內熱晡熱經水兩三月一至此血虛有熱用道遙散加山茱萸治之而愈後有痰作渴或小便不調或頭暈白帶用六味丸而安

○當歸散

當歸酒洗川芎 白芍藥炒 黃芩炒

白朮炒各半兩 山茱萸肉一兩半

右爲末每服二錢酒調日三服氣虛去苓加桂心一兩

附方

○四物湯方見二十四卷第六論

○小柴胡湯 方見二十四卷第二論 ○加味逍遙散

○加味歸脾湯 二方見二十四卷第四論

○六味丸 方見二十四卷第十一論

婦人血分水腫論第二十

婦人經水不通則化為血血不通則復化為水故先因經水斷絕後四肢浮腫致小便不通名曰血分宜用椒仁丸若先因小便不通後身面浮腫致經水不通名曰水分宜用葶藶丸經脈不通而化為水流走四肢悉皆腫滿亦名血分其症與水症相類實非水也用人參丸愚按前症或因飲食起居失養或因六淫七情失宜以致脾胃虛損不能生發統攝氣血乖違行失常道若先因經水斷絕後至四肢浮腫小便不通血化為水名曰血分宜用椒仁丸治之若先小便不利後至身面浮腫經水不通水化為血名曰水分宜用葶藶丸治之此屬形氣不足邪滯隧道必用此藥以宣導其邪而佐以補輔元氣之劑庶使藥力有所伏而行則邪自不能容而真氣亦不至於復傷矣大凡月水不通凝結於內久而變為血瘕血水相并亦為水腫

附治驗

○婦人月經不調晡熱內熱飲食少思肌體消瘦小便頻數或用濟陰丸

月經不行四肢浮腫小便不通余曰此血分也朝用椒仁丸夕用歸脾湯漸愈服人參丸兩月而愈仍專用歸脾湯五十餘劑而平

○婦人面自浮腫月經不通此水分也朝用葶藶丸夕用歸脾湯漸愈更用人參丸兼服而全愈

○婦人素性急先因飲食難化月水不調或用理化痰藥反肚腹膨脹大便泄瀉又加烏藥蓬朮肚腹腫脹小便不利加猪苓澤瀉痰喘氣急手足厥冷頭面肢體腫脹指按成窟脈沉細右寸尤甚余曰此脾肺虛冷不能通調水道下輸膀胱滲泄之令不行

生化之氣不運東垣云水飲留積若土在雨中則為泥矣得和氣暖日水濕去而陽化自然萬物生長喜其脈相應遂與金匱加減腎氣丸料服之小便即通數劑腫脹消半四肢漸溫自能轉側又與六君加木香肉桂炮薑浴之全愈後不戒七情不節飲食頓作泄瀉仍用前藥加附子五分而安

○椒仁丸 治血分

椒仁 甘遂 續隨子 附子 炮

郁李仁 黑牽牛 炒 五靈脂 去石

當歸 吳茱萸 玄胡索

芫花 酒 炒 石膏 各二錢 信砒 膽礬 各一錢

斑猫糯米炒

芫青

各二十箇糯米炒黃去頭足

右為末麵糊丸菜豆大每服十九陳皮湯送下

○人參丸 治月經不利而化為水
流走四肢悉皆腫滿

人參 當歸 大黃蒸熟切焙 桂心

藷麥穗 赤芍藥 白茯苓各三兩

葶藶炒別研

右為末煉蜜丸桐子大每服十五丸空心米飲下

○葶藶丸 治水分

甜葶藶炒別研 續隨仁五錢別研

乾笋末兩

右用棗肉丸桐子大每服七丸煎扁

竹湯下如大便利減續隨子葶藶各一錢加白朮半兩

○小調經散 治經水失道流入四肢浮腫
方見產後四肢浮腫

附方

○歸脾湯 方見二十四卷第四論

○金匱加減腎氣丸 方見二十二卷第十論

○六君子湯 方見二十四卷第六論

太醫院校註婦人良方大全卷之二終

大醫院校註婦人良方大全卷之二

江右臨川陳自明良甫編

大醫院使立齊薛已校註

建邑書林泗泉余彰德梓

衆疾門

經脈不調衆疾生焉故以次之

產寶方論卷一

古人治婦人別著方論者以其胎妊
生產崩傷之異况鬱怒倍於男子若
不審其虛實而治之多致天枉○愚
按前說誠為精確諺云寧治十男子
莫治一婦人寧治十婦人莫治一小
兒義可見矣

博濟方論第二

夫人將攝順理則氣血調和六淫不

能為害若勞傷血氣則風冷乘之脾胃一傷飲食漸少榮衛日衰肌膚黃燥面無光澤若入大腸則下利若入關元則絕嗣故婦人病有三十六種皆由衝任勞損而致蓋衝任之脉為十二經之會海其病皆見於少陰太陽之經當於此候之○愚按前論精密學者當從此類推之

冠宗頭論卷三

婦人雖有別科然亦有不能盡聖人
之法岐伯曰凡病察其形氣相得則
易治形氣相失則難治又曰診病之
道觀人勇怯骨肉皮膚能知其情以
為診法今富貴之家身處帷幔出手

診候不能盡整聞問切之情編爾投
藥烏可盡其術乎况醫者質問諄諄
病家遂謂術業不精而不信豈能使
藥之奏効耶丹溪云凡人之形長不
及短大不及小肥不及瘦人之色白
不及黑嫩不及蒼薄不及厚而况肥
人濕多瘦人火多白者肺氣虛黑者
腎氣足形色既殊臟腑亦異外證雖
同治法迥別所以肥人責脉浮瘦人
責脉沉躁人疑脉緩緩人疑脉躁以
其不可緊觀也若失病勢危急必須
察色以觀其外診脉以知其內醫之
道庶乎不至於有誤矣○府庠徐道
夫母胃脘當心痛極右寸關俱無左

雖有微而欲絕手足厥冷余以上部
無脉不吐為不治然察其眼胞上下
青黯此脾虛肝木所勝以參朮茯苓
陳皮甘草補中益氣以木香和胃氣
行肝氣以吳茱萸散脾胃之寒止心
腹之痛遂急與一劑連去二次再進
諸病悉愈

通用方序論第四

夫通用方者蓋產前產後皆可用也
或一方治諸症不可入於專門當通
變而施治烏可泥

○加減四物湯 治血虛月經不調
腰腹作痛崩中漏下半產產後惡露
內停或去血過多而痛方見第八十

○愚按血虛之症若肝脾血燥用加
味逍遙散肝火血燥用八珍湯加山
梔牡丹皮肝經風熱血燥用六味地
黃丸肝脾血燥血虛用四物柴胡山
梔肝經氣血虛弱用四君芍歸熟地
腎水潤而肝血虛用六味地黃丸金
剋木而肝血虛與心火亢而肝血虛
亦用前丸若氣虛而血弱用補心湯
胃氣陷而血虛用補中益氣湯脾氣
弱而血虛用六君子湯脾氣鬱而血
虛用加味歸脾湯大凡血虛之症或
氣虛血弱或陽氣脫陷或大失血以
致發熱煩渴等症必用四君歸芪或
獨參甘溫之劑使陽旺則陰生其病

自愈ツカユ若用寒涼降火ツク乃速其危也ヤク

○交加散 治經脉不調腹中撮痛ツク或結聚癥瘕產後中風ツク

生地黄一斤 生薑十二兩
取汁

右以地黄汁炒薑取汁薑汁炒地黄取汁相ツク

乾為末每服三錢溫酒調加芍藥玄ツク

胡索當歸蒲黃桂心各二兩沒藥紅ツク

花各五錢充効ツク

○補中丸 治氣血俱虛諸症即八ツク

珍湯為丸方見二十四卷第四論

附方

○加味歸脾湯 ○加味逍遙散

○八珍湯三方見二十四卷第四論

○六味丸方見二十四卷第十一論

四物湯

四君子湯

六君子湯

補中益氣湯四方見二十四卷第六論

獨參湯方見二卷第十三論

太醫院校註婦人良方大全卷之二終

太醫院校註婦人良方大全卷之三

婦人中風諸症方論第一

夫中風者因內虛而中之也蓋風
 為四時八方之氣常以冬至之日
 自坎而起從其鄉來者主長養萬
 物否則名為虛風賊害萬物從背
 而入或中腑或中臟或中血脉經
 絡其症或肢體不遂或手足偏枯
 或痰涎壅塞或口眼喎斜或牙關
 緊急或腰背反張若眼開口閉涎
 流失音者難治如眼閉口開射睡
 遺尿者死中風中氣皆用蘇合香
 丸中氣用三生飲若作風治百無
 一生○愚按中風者即內經所謂

偏枯風痺風懿風痺是也而有中
腑中臟中血脉之分焉夫中腑者
為在表中臟者為在裏中血脉者
為在中在表者宜微汗在裏者宜
微下在中者宜調榮中腑者多者
四肢如手足拘急不仁惡風寒此
數者病淺皆易治用加減續命湯
之類中臟者多滯九竅如眼瞽者
中于肝舌不能言者中于心唇緩
便秘者中于脾鼻塞者中于肺耳
聾者中于腎此數者病深多難治
中血脉者外無六經之證內無便
溺之阻肢不能舉口不能言用大
秦朮湯主之中腑者多兼中臟如

左關脉浮弦面自青左脇偏痛筋
脉拘急目瞶頭自眩手足不收坐
踞不得此中膽兼中肝也用犀角
散之類如左寸脉浮洪面舌赤汗
多惡風心神顛倒言語蹇澁舌強
口乾松悸恍惚此中小腸兼中心
也用麻黃散之類如右關脉浮緩
或浮大面唇黃汗多惡風口喎語
澁身重急惰嗜卧肌膚不仁皮肉
潤動腹膨不食此中胃兼中脾也
用防風散之類如右寸脉浮濇而
短面色白鼻流清涕多喘胸中冒
悶短氣自汗聲嘶四肢痿弱此中
大腸兼中肺也用五味子湯之類

如左尺脉浮滑而目瞤黑腰脊痛引小腹不能後仰兩耳虛鳴骨節疼痛足痿善怒此中膀胱兼中督也。用獨活散之類此皆言真中風也。而有氣血之分焉。蓋氣虛而中者由元氣虛而賊風襲之則右手足不仁用六君子湯加釣藤薑汁竹瀝血虛而中者由陰血虛而賊風襲之則左手足不仁用四物湯加釣藤竹瀝薑汁氣血俱虛而中者則左右手足皆不仁也用八珍湯加釣藤薑汁竹瀝其與中風相類者則有中寒中濕中火中氣食厥勞傷房勞等症如中於寒者謂冬月卒中寒氣昏冒口噤肢牽

惡寒脉浮緊用麻黃桂枝理中湯之類中於暑者謂夏月卒冒炎暑昏冒痰厥吐瀉喘滿用十味香薷飲之類中於濕者丹溪所謂東南之人多因濕土生痰痰生熱熱生風也用清燥湯之類加竹瀝姜汁中於火者河間所謂非肝木之風內中六淫之邪外侵良由五志過極火盛水衰熱氣拂鬱昏冒而卒仆也用六味丸四君子獨參湯之類內有悲怒傷肝火動上炎者用柴胡湯之類中於氣者由七情過極氣厥昏冒或牙關緊急用蘇合香丸之類誤作風治者死食厥者過於飲食胃氣自傷不能運化故昏冒也

用六君子加木香勞傷者過于勞役
耗損元氣脾胃虛衰不任風寒故昏
冒也用補中益氣湯房勞者因腎虛
精耗氣不歸源故昏冒也用六味丸
此皆類中風者也夫內經主于風河
間主于火東垣主于氣丹溪主于溫
愚之斯論僭補前人之闕也若夫地
之南北人虛實固有不同其男子女
人大畧相似當與後論參看通變治
之

附治驗

斯閣老夫人先胸脇脹痛後四肢不
收自汗如水小便自遺大便不實口
緊目閉飲食頗進十餘日矣或以爲

中臟公甚憂余曰非也若風既中臟
真氣既脫惡症既見禍在反掌焉能
延之乃候其色面目俱赤而面或青
診其脉左三部洪數惟肝尤甚余曰
胸乳脹痛肝經血虛肝氣否塞也四
肢不收肝經血虛不能養筋也自汗
不止肝經風熱津液妄泄也小便自
遺肝經熱甚陰挺失職也大便不實
肝木熾盛尅脾土也遂用犀角散四
劑諸症頓愈又用加味逍遙散調理
而安後因鬱怒前症復作兼發熱嘔
吐飲食少思月經不止此木盛尅土
而脾不能攝血也用加味歸脾湯爲
主佐以加味逍遙散調補肝脾之氣

清和肝脾之血而愈後每遇怒或睡
中手足抽搐復用前藥即愈

○大叅朱雲溪母于九月內忽仆地
痰味不省人事唇口喎斜左目緊小
或用痰血之劑其勢稍緩至次年四
月初其病復作仍進前藥勢亦漸緩
至六月終病乃大作小便自遺或謂
風中干臟以為不治余診之左關弦
洪而數此屬肝火血燥也遂用六味
丸加五味麥門芎歸一劑而飲食頓
進小便頓調隨用補中益氣加茯苓
山梔釣藤丹皮而安至十月復以傷
食腹痛作瀉左目仍小兩關尺脉弦
洪鼓指予以六君加木香吳茱升麻

柴胡一劑而痛瀉俱緩復以六君加
肉果故紙一劑諸脉頓平痛瀉俱止
余謂左關弦洪由肝火血燥故左目
緊小右關弦洪由肝邪乘脾故唇口
喎斜腹痛作瀉二尺鼓指由元氣下
陷設以目緊口喎誤作風中投以風
藥以腹痛泄瀉誤作積滯投以峻劑
復耗元氣為害甚矣後以陽虛惡寒
圍火過熱致痰喘誤服寒劑而卒
○婦人因怒仆地語言蹇澁口眼喎
斜四肢拘急汗出遺尿六脉洪大肝
脉尤甚皆由肝火熾盛蓋肝主小便
因熱甚而自遺也用加味逍遙散加
釣藤及六味丸尋愈

○老婦兩臂不遂語言蹇澁服祛風之藥反致筋攣骨痛余謂此肝火血虛所致用八珍湯補氣血用地黃丸補腎水佐以排風湯年餘而愈

○婦人經行口眼歪斜痰涎壅盛此血虛而肝火動用加味道遙散加牡丹皮治之尋愈後因飲食停滯口吐痰涎此脾氣虛不能攝涎歸經也用六君子二十餘劑而安

○婦人因怒口眼歪斜痰涎上湧口噤發搐此脾肺氣虛而肝木旺用六君子加木香釣藤柴胡治之漸愈又用加味歸脾湯調理而安

○產婦勤於女工忽仆地牙關緊急痰喘氣粗四肢不遂此氣血虛而發瘕朝用補中益氣湯加茯苓半夏夕用八珍湯加半夏各三十餘劑不應此氣血之末復藥之末及也仍用前二湯又五十餘劑尋愈

○婦人素有內熱月經不調經行後四肢不能伸臥床半載或用風濕痰火之劑不效其脉浮緩按之則濡名曰瘕症屬風寒所乘用加味道遙散加肉桂防風四劑頓愈更以八珍湯調理兩月餘而瘥

○婦人素經行後期因勞怒四肢不能屈名曰瘕症此血虛而風熱所乘先用八珍湯加釣藤柴胡漸愈更佐

以加味道遙散調理而痊

○婦人四肢攣屈煩痛自汗小便短少畏見風寒脉浮弦緩此氣血虛而風寒濕熱相搏先用東垣清燥湯漸愈再用加味道遙散及八珍湯加牡丹皮而愈

○婦人素有欠忽然昏噴痰涎抽搐善伸數欠四肢筋挛痰涎上升此肺金燥甚血液衰少而然也用清燥湯六味丸兼服尋愈

○婦人肢節作痛不能轉側惡見風寒自汗盜汗小便短少雖夏亦不去衣其脉浮緊此風寒客於大陽經而用甘草附子湯一劑而痊

○婦人因怒發搐嘔吐痰涎口噤昏憤氣口脉大於人迎此氣滯而食厥用平胃散加茯苓半夏木香治之而甦更以六君子加木香漸愈乃去木香又二十餘劑而痊

○婦人元氣素虛勞則體麻發熱痰氣上攻或用烏藥順氣散祛風化痰丸之類肢躄痿軟痰涎自出面色痿黃形躄倦怠而脾肺二脉虛甚此氣虛而類風朝用補中益氣湯夕用十全大補湯漸愈又用加味歸脾湯調理尋愈

○婦人體肥胖頭目眩暈肢體麻木腿足痿軟自汗身重其脉滑數按之

沉緩此濕熱乘虛也用清燥羌活二湯漸愈更佐以加味逍遙散全愈

○婦人口眼喎斜四肢拘急痰涎不利而惡風寒其脈浮緊此風寒客於手足陽明一經先用省風湯二劑後用秦艽升麻湯而愈

○婦人素性急患肝風之症常服搜風順氣丸秦艽湯之類後大怒吐血唇口壅緊小便頻數或時自遺余以爲肝火旺而血妄行遂用小柴胡湯加山梔牡丹皮漸愈五年之後又大怒吐血誤服降火祛風化痰之劑大便頻數胸滿少食用清氣化痰之劑嘔而不食頭暈口乾不時吐痰用導

痰降火之類痰出如湧四肢常冷余曰嘔而不食胃氣虛弱也頭暈口乾中氣不能上升也痰出如湧脾氣不能攝涎也四肢逆冷脾氣不能運行也用補中益氣加茯苓半夏治之諸症漸愈又用加味歸脾湯兼服而安

○鴻臚王繼之室人素有痲症遇勞役怒氣則發良久自省一日因飲食勞役失宜發而半日方省不能言語或以爲風中于臟用祛風化痰順氣之劑及牛黃清心丸病益甚六脈浮大兩寸虛而不及本部且進飲食余曰此脾胃之氣傷也若風中于臟禍在反掌彼不信仍用風藥後果卒

○婦人吐痰頭暈肢躄麻木見第四卷

○娠婦發搐似中風見第十四卷

○產後發瘥似中風見第十九卷

○男子諸症見內科摘要

○排風湯 治風邪入臟狂言妄語スラ

白鮮皮 白朮 白芍藥炒

桂心 川芎 當歸 防風

杏仁去皮甘草各二兩 白茯苓

麻黃去節獨活各三兩

○三生飲 治卒中不省口眼喎斜痰壅喉響無問外感內傷痰涎食飲氣虛眩暈但六脉沉悉有神効

生南星 生烏頭去皮 生附子各半兩

木香錢 右每服半兩薑水煎

不省人事以細辛皂角末少許吹鼻中得嚏進藥氣盛只用南星五錢生薑十四片煎飲之名生薑飲○愚按

三生飲乃行經絡治寒痰之良藥斷關奪旗之神劑每服必用人參兩許

驅其外邪而補其真氣否則不惟無益適以取敗觀先哲用芪附木附等湯其義可見

○加減小續命湯 治中風半身不遂口眼喎斜手足戰掉語言蹇澁神思昏亂筋攣骨痛或脚氣緩弱陰晦

復作

麻黃去節 防已 人參 黃芩炒

桂心 甘草 白芍藥 川芎

杏仁各一兩 附子炮半兩 防風一兩

右每服五錢姜棗水煎精神恍惚加
茯苓遠志有熱去附子加芍藥心煩
加犀角半兩骨冷痛加桂附嘔逆腹
脹加人參半隻兩 躁悶便澀去附
子加芍藥一兩竹瀝一合 臟寒下利
去防已黃芩加附子白朮一兩 白汗
去麻黃杏仁加白朮一兩 脚弱加牛
膝石斛一兩 身痛加秦艽一兩 腰痛
加桃仁杜仲半兩失音加杏仁一兩
○小引風湯

防風 獨活 細辛 川芎

五味子炒 白茯苓 人參

白芍藥炒 白朮炒 甘草等分

右每服五錢薑二片杏仁五箇水煎
服加麻黃菴蓉附子當歸羚羊角等
分即大引風湯也

○必効竹瀝湯 治中風痰涎壅盛
言語塞滯四肢緩縱

秦艽 防風 獨活 附子炮各一錢

右以水二盞煎半盞入生地汁淡竹
瀝各半盞再煎四五沸作四服病既
去以他藥調治未愈再服最効

○星香湯 治中風痰盛服熱藥不
得者

南星 木香等分

右每服四錢薑十片水煎

○星附湯 治中風痰涎上攻六脉

沉伏不知人事

附子生用各 南星一兩 木香半兩

右每服四錢薑水煎寒甚加天雄川烏多灸關元丹田二穴

附方

○三化湯 治中風外有六經之形 症先以加減續命湯治內有便溺之 阻隔者此方主之

厚朴姜汁 大黃酒 枳實麩

羌活各八兩 右每服一兩水煎

○秦朮湯 治中風外無六經之形 症內無便溺之阻隔乃血弱不能養 於筋手足不能運口強不能言宜養 血而筋自榮也

秦朮各 石膏各 甘草炒 川芎

當歸 芍藥炒 羌活 獨活

防風 黃芩炒 白芷 生地黄

熟地黄自製 白木 白茯苓各

細辛半兩 右每服一兩水煎陰甫

加生薑七片春夏加知母一兩

○省風湯 治中風口噤口眼喎斜 筋脉攣急抽掣疼痛風熱痰實

防風 南星生用各 半菴水浸洗

黃芩炒 甘草生用各

右每服五錢水煎

○大八風湯 方見後

燒竹瀝法 用新竹截尺許作兩片 用兩磚對立竹仰磚上中以火燒之

兩頭瀝自出取荆瀝亦然

○烏藥順氣散 治風氣骨節疼痛
遍身頑麻手足癱瘓言語蹇澁宜先
踈氣道後隨証投藥

麻黃節去烏藥 陳皮去白川芎

白芷 桔梗 枳殼去穢炒甘草焙各

乾薑炮半兩殭蠶炒一兩

右每服五錢薑水煎頭痛加葱白有汗加薄荷

○八味順氣散

白朮 白茯苓 青皮 白芷

陳皮炒烏藥 人參各一兩甘草炙

右每服五錢水煎

○導痰湯

半夏 南星 茯苓 陳皮炒

枳實炒甘草炒 右薑水煎服

○參蘇飲 治痰積中脘暈眩嘈雜
怔忡噦逆或痰停關節手足痺曳口
眼喎斜半身不遂嘔吐惡心頭疼發
熱

人參 紫蘇葉 半夏 茯苓

乾葛 前胡各三錢甘草炒 水香

陳皮炒枳殼製桔梗各半兩

右每服一兩薑水煎腹痛加芍藥

○附子理中湯 治中寒不語四肢
強直昔有武士守邊大雪出帳觀瞻
忽然暈倒又馬觀文之內厥逆惡寒
腹痛服此悉愈方見十二卷第八論

○牛黃清心丸 方見後

○秦艽升麻湯 治風寒客於手足

陽明經口眼喎斜惡見風寒四肢拘急其脉浮緊

秦艽錢二 升麻 乾葛 甘草

芍藥炒 人參各半兩 防風 桂枝各三錢

右每劑一兩連須葱白二莖水煎服

○犀角散 治肝臟中風筋脉拘攣

手足不收坐踞不得胸背強直脇肋脹滿面赤心煩言語蹇澁或風流注四肢上攻頭面作痛口眼喎斜脚膝痛之

犀角屑錢二 石膏 龜活 羚羊角

各一錢 人參 甘菊華 獨活

黃芩炒 天麻 枳殼去穢炒 當歸

黃芪 芎藭 白朮 酸棗仁炒

防風 白芷各五分 甘草五分

右水薑煎

○薏苡仁散 治肝臟中風

薏苡仁 麻黃去節各一錢半 防風

附子炮去皮臍 川芎 栝子仁 桂心

枳殼炒 石膏 細辛 獨活

羚羊角各一錢 右薑水煎服

○射干湯 治肝經受病多汗惡風

善悲噤乾目下青黃可治急灸肝脇百壯一黃一白不可治

射干 芍藥各二錢半 薏苡仁錢

桂心錢半 牡蠣 石膏各二錢

右作一劑水煎服

○治肝臟中風心神煩熱言語蹇澁
不得安臥

竹瀝 荊瀝 葛根 生薑汁

白蜜各一合 右和勻頓服之

○麻黃散 治心臟中風多汗惡風

善怒心神顛倒言語蹇澁舌強口乾

面赤頭痛翕翕發熱胸背拘急手心

熱甚偃臥不側忪悸恍惚或寒鷓心

驚悸口喎冒昧好笑

麻黃去節 白朮 防風 川芎

甘草炙 漢防已 當歸 人參各一錢

羌活 遠志去心 茯神去木各一錢半

外麻八錢 桂心半錢 右水薑煎入竹

瀝半錢 薑再煎一斗 沸

○扶神散 治同前或四肢沉重精

神不安或痰氣不利

茯神去木 羌活 麻黃去節 龍齒別

赤芍藥 甘草炙各一錢 蔓荊子

薏苡仁 麥門冬去心 人參去

防風去節 犀角屑各七分 右薑水煎服

○加味牛黃散 治症同前或恍惚

恐亂睡臥不得志意不定

牛黃 麝香 犀角鎊 羚羊角鎊

龍齒各別研 防風 天麻 獨活

人參 茯神去木 升麻 甘草炙

白蘚皮 遠志去心各一錢半 天竺黃三錢別研

硃砂別研 鐵粉別研 麥門冬去心各半兩

右為末每服二錢煎麥門冬湯調

○遠志湯 治症同前或偃臥不側
悶亂冒絕若唇色正赤可治急灸心
脛百壯若青黃不定面色暝暝戰慄
動者不可治

遠志去心二錢半 人參 石菖蒲 羌活

細辛 麻黃去根各半兩 赤芍藥

白朮各一兩 右為末每服二錢煎

小麥湯調日二服

○防風散 治脾臟中風多汗惡風
身體怠惰四肢不能動色微黃不嗜
食舌強語澁口喎斜僻肌膚不仁腹
膨心煩翕翕發熱神思如醉其脈浮
緩胸滿痰涎志意昏濁

獨活半錢 防風 茯神去木 人參

附子炮去皮臍 前胡 沙參湯洗七次 半隻

黃芪炒 旋覆花 羚羊角銹末

甘草炙各一錢 右水薑煎

○白朮湯 治症同前或腹滿身黃

嘔吐酸水急灸脾脘百壯目下及手

足青者不可治口角兩邊黃者可治

白朮 厚朴姜製 防風各二錢

附子炮去皮臍 橘紅 白蘚皮

五加皮各一錢 右水姜煎

○細辛散 治症同前或肉熱肌膚
淫淫如蟲行或汗大洩皮膚不澤唇
鼻黃色

細辛 白朮 獨活 附子炮去皮臍

肉桂 防風各一錢 厚朴姜製

麻黃去節各二錢 枳實麩炒 甘草炒各一錢五分

右水煎

○防風麻黃散 治症同前或志意

恍惚肢躄沉重

防風 麻黃節去 人參 川芎

附子炮去皮臍 桂心 黃芪炒 赤茯苓

酸棗仁炒 白朮 獨活 桑白皮

炒各一錢 羚羊角鎊末 甘草炒五分

右水煎服

○五味子湯 治肺臟中風胸滿短

氣冒悶汗出噓吸顛掉聲嘶體重四肢痿弱其脉浮晝寤夜甚偃臥冒悶

其鼻兩邊下至口上至眉其色白者

急灸肺膺百壯若色黃其肺傷而為

血矣撮空拈衣摸床者必死

五味子杵炒 杏仁炒去皮尖 桂心各一錢

防風去芦 甘草炒 赤芍藥 川芎各二錢

川椒分二 右水煎服

○獨活細辛散 治症同前或頭痛

項強背痛鼻乾心悶語蹇胸中少氣

四肢疼痛

獨活 細辛 附子炮去皮臍 甘菊華

麻黃去芦 白芷 五味子杵炒 紫苑茸

赤茯苓 肉桂 白朮 川芎

桑白皮各一錢 甘草炙半錢 杏仁麩炒去皮

防風各一錢 右水煎服

○獨活散 治腎臟中風腰疼不得

俛仰或偏枯耳鳴語聲渾濁面色浮腫骨節痠疼精神昏憤喜恐好忘而肌色黧黑身體沉重多汗惡風隱曲不利或兩脚冷痺頭昏耳聾語音渾濁

獨活 附子炮去皮 當歸酒洗 防風

天麻 桂心各一錢 川芎 甘菊華

枳殼炒 山茱萸取肉 黃芪炒 丹參

牛膝酒浸 革薺酒浸 甘草炙 細辛

菖蒲 白朮各半錢 右水煎服

○革薺散 治症同前或脊骨促痛

不能行立肌膚黑色兩脇赤黃如餅

者可治急灸腎脬百壯齒黃髮槁面

如土色者不可治

革薺酒浸 狗脊 杜仲炒去絲 白茯苓

去皮各一兩 何首烏 天雄去皮

澤瀉各半兩 右為末每服一錢米飲調下

○吳茱萸丸 治症同前或惡風多

汗面色浮腫腰膝疼痛形色憔悴

吳茱萸 細辛 白茯苓 獨活

木香 山茱萸取肉 牛膝酒浸 石斛

革薺酒浸各半兩 附子炮去皮 芎藭各二錢

右為末酒糊丸桐子大每服二十九

空心鹽湯下日二服

○黃芪丸 治症同前或麻痺腫痛

少氣肢體乏力

黃芪炒 川椒炒 茴香炒 川烏頭去皮

狼毒 防風 川練子肉

白茯苓炮 地龍去土 黑附子炮去

赤小豆各等分 右為末酒糊丸桐

子大每服二三十九丸溫酒下日二服

○四君子湯 ○六君子湯

○補中益氣湯 ○四物湯四方見二十四卷第六論

○十全大補湯 ○八珍湯

○加味歸脾湯

○加味逍遙散四方見二十四卷第四論

○理中湯方見二十卷第八論 ○清暑益氣湯

○十味香薷飲二方見本卷第二論

○東垣清燥湯方見四卷第二論

○六味丸方見二十四卷第十一論

○獨參湯方見本卷第十三論

○小柴胡湯方見二十四卷第二論

○蘇合香丸方見後 ○羌活湯方見後

○甘草附子湯方見後

○平胃散方見十一卷第十八論

婦人中風角弓反張方論第二

論曰婦人氣虛風入諸陽之經或產

後血虛汗出中風體強口噤腰背反

張名為發瘕因太陽經先傷風後感

寒而致如發瘕狀但脉沉遲弦細無

汗惡寒名剛瘕有汗不惡寒名柔瘕

無汗者葛根湯小續命湯有汗者去

麻黃加葛根 ○愚按仲景先生云太

陽病發汗太多致瘕風病下之則瘕

三因方云氣血內虛風寒濕熱所中

則瘕以風能散氣故有汗而不惡寒

曰柔痙寒能蓋血故無汗而惡寒曰
剛痙非專於風濕因內虛發汗亡血
筋無所榮而然乃虛象也竊謂傷寒
汗下過度與產婦潰瘍等病及因尅
伐之劑傷損氣血而變若金衰木旺
先用瀉清丸後用異功散腎水虛用
六味丸肝火旺先用加味小柴胡湯
次用加味四物湯發熱用加味逍遙
散若木侮脾土用補中益氣加芍藥
山梔脾經鬱結用加味歸脾湯脾土
濕熱用大承氣湯大凡病後氣血虛
弱用參朮濃煎佐以薑汁竹瀝時時
用之如不應用上全大補湯更不應
急加附子或用參附湯緩則不救仍
與後治驗參看

附治驗

○婦人脾胃虛弱忽痰壅氣喘頭搖
目劄手揚足擲難以候脉視其面黃
中見青此肝木乘脾土用六君加柴
胡升麻治之而甦更以補中益氣加
半夏茯苓而痊

○葛根湯 治剛痙無汗惡風

葛根 麻黃去根 殭蠶炒各三分 桂枝

粉草炒芍藥各五分 大棗三箇

右水煎出汗為度凡產後麻黃宜斟酌用

○附木湯 治手足逆冷筋脉拘急

汗出項強口噤痰湧

附子炮 白朮 獨活各五分 川芎

肉桂各三分 右棗水煎服

○桂心白朮湯 治陰瘕手足厥冷 筋脉拘急汗出不止

白朮 桂心 附子炮 防風

川芎 甘草各等分

右每服五錢薑棗水煎

○八物白朮散 治陰瘕手足厥冷 筋急脉拘而無汗者

白朮 麻黃去根節 茯苓 五味子

羌活各半兩 附子炮 桂心各三錢

良薑一錢 右每服四錢薑水煎

麻黃宜斟酌不可過多

附方

○通關散 治卒然牙關緊急腰背

反張藥不得嚥

細辛 薄荷葉 牙皂角各等分

右爲末每用少許吹鼻內候得噴嚏

隨進湯藥

○瀉青丸 方見二十四卷第三論

○異功散 方見二十二卷第三論

○六味丸 方見二十四卷第十一論

○加味小柴胡湯 方見二十四卷第二論

○補中益氣湯 加味四物湯 見二

十四卷第六論 加味逍遙散

○十全大補湯 加味歸脾湯 見二

十四卷第十四論 大承氣湯

○參附湯 方見十二卷第三論

婦人中風口噤方論第三

夫中風口噤乃躰虛受風入於頷頰蓋手三陽之經結於頷頰上夾於口風邪乘之則筋攣故牙關急而口噤也○愚按前症若風邪客於手足陽明經口眼喎斜用秦艽升麻湯若風熱傷氣用省風湯當與後方同用

附治驗

○婦人因怒經事淋瀝半月方竭遇怒其經即至甚則口噤筋攣鼻衄頭痛痰壅搐搦瞳子上視此肝火熾甚以小柴胡湯加熱地黃山梔釣藤治之後不復發

○婦人素陰虛患遍身癢痒服祛風之藥口噤抽搐肝脉洪數余曰肝血

為陰為水肝氣為陽為火此乃肝經血虛火盛耳宜助陰血抑肝火用四物麥門五味柴胡山梔生草熟搖頓止又以八珍黃芪麥門五味釣藤炙草調理而痊

○天南星散 治中風口噤四肢拘急或痰氣上壅

天南星姜汁炒黃 白附子炮 黑附子炮
烏蛇肉酒炒 全蝎炒等

右為末每服半錢薑汁溫酒調灌

○走馬散 治中風口噤四肢強直

黑附子炮 天麻各半兩 桂心 石膏
麻黃去根節 蝎梢炒 川烏炮去皮尖
南星炮各一錢 右為末每服三

分豆淋酒調灌

附方

○秦艽升麻湯 ○省風湯 二方見本草卷第一論

○小柴胡湯 方見二十四卷第二論

○四物湯 方見二十四卷第六論

○八珍湯 方見二十四卷第四論

婦人中風不語方論第四

巢氏云脾脉絡胃夾咽連舌本散舌下心之別脉係舌本若心脾受邪則舌強不能言然喉嚨者氣之上下也會厭者聲之戶舌者聲之機唇者聲之扇若風寒客於會厭故卒然而瘖經云醉卧當風使人發瘖愚按前症若因痰迷心竅當清心火若因濕

痰舌強當清脾熱若因風熱牙關緊急當清肝火若因風痰塞疾當道痰涎若因虛火上炎當壯水之主若因氣虛厥逆當益火之源若因腎虛舌瘖而不語當補腎氣

附治驗

○婦人因怒仆地痰湧不語灌牛黃清心丸稍甦用神仙解語湯加山梔柴胡桔梗漸愈又用六君柴胡山梔枳殼而愈

○婦人忽然不語半年矣諸藥不應兩尺浮數先用六味丸料加肉桂數劑稍愈乃以地黃飲子三十餘劑而痊男子多有此症亦用此藥治之

○神仙解語丹 治心脾受風言語
蹇澁痰嚙溢盛

白附子炮 石菖蒲去毛 遠志去心甘草水煮十沸

天麻 全蝎 羌活 南星牛膽

無只炮 木香半兩 右為末麵糊

九桐子大每服二三十丸薄荷湯下

○防風湯

石斛一兩半酒炒 生地黄 防風 川芎

杜仲去皮切姜汁炒 丹參各一兩 麥門冬去心

桂心 獨活 右每服五錢棗水煎

○竹瀝湯 治風中肝脾四肢不遂

舌強語滯或痰涎上湧

威靈仙 附子炮 桔梗 蔓荊子

防風 枳殼去穢 川芎 當歸各

右每服四錢薑水煎入竹瀝半盞日

四服忌飲茶

○三黃獨活湯 治中風手足拘攣

半身不遂失音不語

麻黃去根節 黃芪半兩 黃芩七錢 獨活一兩

右每服四錢水煎取汗為效

○小省風湯 治中風癱瘓口眼喎

斜口噤不語手足頑麻

防風 南星湯炮各三兩 甘草炙

右每服四錢薑水煎

○秦芫升麻湯 方見本卷第一論

○愈風湯 治諸風肢體麻木手足

不隨不能動履等症

天麻 牛膝同酒浸焙乾 草薢別研細 玄參各六兩

杜仲七兩 羌活十四兩 當歸 熟地黃自製

生地黃各斤 獨活五兩 肉桂三兩 右為末

練蜜九桐子大常服五七十九病甚

至百九空心食前溫酒或白湯下

○地黃飲子 治腎虛弱舌瘡不能

言足廢不能行

熟地黃自製 巴戟去心 山茱萸去核 石斛

肉蓯蓉酒浸 附子炮 五味子炒 桂心

白茯苓 菖蒲 遠志 麥門各等分

右每服三錢入薄荷少許薑棗水煎

○牛黃清心丸 治諸風癱瘓語言蹇

澁健忘恍惚頭目眩暈胸中煩鬱痰塞

喘嗽精神昏惰或尋常風痰咳嗽或傷

寒陽症汗下不解發熱煩渴其効如神

牛黃一兩 麝香二錢 龍腦三錢

羚羊角一兩 當歸酒洗 防風

黃芩 白朮 麥門冬去心

白芍藥各一兩 柴胡 桔梗 茯苓

杏仁去皮 芫薺 肉桂 蒲黃

大豆黃卷 阿膠各一兩

人參去芦 神麴各二兩 雄黃別研

甘草五兩 白欬七錢 乾薑七錢

犀角鎊末 金箔一百三十片 肉四

乾山藥七兩 大棗一百枚 蒸熟去皮

右各別為末煉密與棗膏丸每兩作

十九用金箔為衣每服一丸溫水下

○蘇合香丸 治氣中痰氣上攻牙

關緊急不省人事或卒暴氣逆心痛

鬼魅惡氣及一切氣滯等症

沉香 麝香 訶子肉 丁香

青木香 安息香 香附 薑撥

白朮 白檀 薰陸香

蘇合油 龍腦 烏犀角 鈔

右為末用安息香并煉蜜九桐子大

溫水化服四九每兩作十九丸熔黃臘

包裹為善

○青州白丸子 治半身不遂口眼

喎斜痰涎壅塞手足頑麻

半隻 七兩水洗 川烏頭 半兩去皮

南星 二兩 白附子 二兩

右為末用絹袋盛之水浸日如急用

以糊丸桐子大每服十九丸姜湯下

○瓜蒂散

瓜蒂 錢一 赤小豆 五分 右為末每夜

於鼻內噴之取下黃水內服涼劑

○六君子湯 方見二十四卷第六論

婦人風痺手足不隨方論第五

夫婦人風痺手足不隨或肌膚疼痛

或肢體麻木蓋諸陽之經皆起於手

足循行肢體因氣虛風邪所客而為

患也○愚按經云邪之所發其氣必

虛前症若風邪滯肝或怒動肝火血

燥筋攣用加味道遙散脾肺氣虛肌

膚不仁手足麻木用二痺湯若腎水

虧損不能滋養筋骨或肝脾血虛而

筋痿痺用六味丸服燥藥而筋攣者

用四物生甘草氣血俱虛用八珍湯
何醫林集要等方新刊丹溪心法附
錄云若人大拇指麻木不仁或手足
少力或肌肉微掣三年內必有風
之症宜先服八風湯天麻丸防風通
聖散以預防之殊不知河間云風者
病之末也所以中風有癱瘓者非謂
肝木之風內中亦非六淫風邪外襲
良由五志過極心火熾盛腎水虛衰
不能制之則陰虛陽實而熱氣拂鬱
心神昏憤筋骨無用而卒倒無知也
治當以固元氣為要若遽服八風等
藥則反傷元氣適足以招風取中
本卷首論王治

附治驗

○婦人因怒吐痰胸滿服二陳順氣
化痰之劑半身不遂內熱口乾形氣
殊倦余視之考肝火熾盛而侮脾土
也用逍遙散補中益氣湯六味地黃
丸喜其慎疾年餘而愈

○孀婦胸脇脹痛內熱而晡熱月經
不調肢體痠麻不時吐痰或用清氣
化痰藥喉間不利白帶腹脹又用清
熱理氣藥胸膈不寬肢體時麻余曰
此本鬱怒傷肝脾前藥傷甚耳朝用
歸脾湯以解鬱結生脾氣又用加味
逍遙散以生肝血清肝火百餘劑而
愈後因怒肢麻復麻用補中益氣加

山梔茯苓半隻而痊後復怒病再作
月經如注脉洪而數此肝火傷脾不
能攝血所致也用六君芎歸炮薑一
劑而血止用補中益氣加炮薑茯苓
半隻四劑而胃醒更用歸脾湯逍遙
散調理而痊

○婦人頭暈吐痰用化痰理氣藥肢
體或麻服祛風化痰藥肢體常麻手
足或冷或熱此脾土虛而不能生肺
金用補中益氣加茯苓半隻炮薑二
十餘劑脾氣漸復諸症稍愈更用加
味逍遙散三十餘劑而愈後因怒吐
痰自服清氣化痰丸飲食不進吐痰
甚多胸脇脹滿余用六君子倍加參
朮少加水香數劑而康

○三痺湯 治血氣凝滯手足拘攣
風痺等疾

續斷 酒浸 炒 杜仲 去皮切 炒 防風

桂心 細辛 人參 白茯苓

當歸 白芍藥 炒 黃芪 炒 牛膝 酒浸 炒

甘草 炒 秦艽 生地黃 川芎

獨活 各三分 右薑水煎服

○五痺湯 治風寒濕氣客留肌體
手足緩弱麻痺不仁

片薑黃 羌活 白朮 防己 各二錢

甘草 炙五分 右薑水煎服

附方

○東垣羌活湯 治濕熱身重或眩

履
暈麻木小便赤澀下焦痿軟不能行

羌活 防風 柴胡各一錢 蒿本

獨活 茯苓 澤瀉 猪苓

黃芪炒 甘草炙 陳皮 黃柏酒炒

黃連 蒼朮 升麻 川芎各五分

右水煎服

○甘草附子湯 治風濕相搏骨節

煩疼不時抽痛不能伸屈抑之則痛

劇汗出短氣小便不利惡風不欲去

衣或微腫痛

甘草炙 附子一枚重二兩三四錢方

白朮兩 桂枝兩

右每服五錢水煎

○八珍湯 治肝脾氣血俱虛不能

養筋以致筋攣骨痛或不能行履或

發熱喘熱寒熱往來等症

○加味逍遙散 治肝經風熱血燥

筋攣肢體不遂內熱喘熱等症

○歸脾湯 三方見二十四卷第四論

○六味丸 方見二十四卷第十一論

○四物湯 ○補中益氣湯

○六君子湯 三方見二十四卷第六

婦人中風自汗方論第六

右方續命排風越痺等湯皆用麻黃

取其發汗而散風邪也然而無汗者

為宜若自汗者用之則津液轉脫反

為大害故仲景云中風自汗用桂枝

湯發搐口眼瞶動遍身出汗用獨活
湯續命煮散以復榮衛而却風邪○
愚按前症若腠理不固而自汗者用
桂枝湯或防風白朮牡蠣湯若過服
風藥而自汗者用白朮防風湯若陽
氣虛弱而自汗者用芪附湯若兼盜
汗用補中益氣湯送六味丸如不應
用當歸六黃湯

○獨活湯 治風虛昏憤手足痺癢
發熱及中風自汗等症

獨活 羌活 人參 防風

當歸 細辛 伏神去木 半夏

桂心 白薇 遠志去心 菖蒲

川芎各九 右薑水煎服

○續命煮散 治風氣昏憤四肢無力
口眼瞶動或時搐搦或津液不足
渴飲熱湯及產後中風自汗等症

防風 獨活 當歸 人參

細辛 葛根 芍藥炒 川芎

甘草炒 熟地黃自製 半夏 遠志去心

荊芥穗各半 桂心七錢 右每服五

七錢薑水煎汗不止加牡蠣粉五分

○防風白朮牡蠣散 治中風氣虛
腠理不密自汗不止等症

白朮炒 牡蠣煨 防風等分

右為末每服二三錢米飲下日三服
如不止服黃芪建中湯

附方

○柴胡桂枝湯 ○治傷風發熱自汗或鼻鳴乾嘔或痰氣上攻等症

桂枝錢二 黃芩炒 人參 白芍藥炒
甘草錢半 炙甘草錢半 生薑錢半 柴胡錢四

右作一劑水煎服 治服表藥過多而

自汗者

白朮炒 黃芪炒 防風兩

右每服五七錢水煎溫服未應倍之

○芪附湯 方見十九卷第六論

○補中益氣湯 方見二十四卷第六論

○六味丸 方見二十四卷第十一論

○當歸六黃湯 方見十九卷第六論

婦人筋脈痠疼方論第七 新附

醫學綱目云痠者筋脈急也痠者筋脈緩也急則引而縮緩則縱而伸或縮或伸動而不止者名曰痠疼俗謂之發搐是也凡癩癩風痠破傷風三症皆能痠疼但癩癩則仆地不省風痠痠則角弓反張破傷風痠痠則有瘡口竊謂痠者屬肝經風熱血燥或肝火妄動血傷痠者屬肝經血氣不足或肝火汗多亡血以致手足伸縮不已抽搐不利若因風熱血燥用羚羊角散加鈞藤鈞山梔若肝火妄動用加味四物湯加鈞藤鈞山梔若肝經血氣不足用八珍湯鈞藤鈞山梔若肝火亡血用加味道遙散加鈞

藤鈞山梔如不應須用六味丸以補腎水生肝木為主佐以前劑治之若其脉長弦者是肝之本脉也則易治其脉短澁者是肺金尅肝木也則難治其面色青中見黑者是水生木也當自愈青中見白者是金尅木也必難愈

附治驗方藥

○婦人素口苦月經不調或寒熱妊娠五月兩臂或拘急或緩縱此肝火傷血所致也用四物加柴胡山梔丹皮鈞藤鈞治之而愈

○妊婦因怒寒熱顛項動掉四肢抽搐此肝火血虛風熱用加味道遙加鈞藤鈞數劑而痊

附方

- 羚羊角散 方見十四卷第二論
- 加味四物湯 方見二十四卷第六論
- 八珍湯 加味道遙散 二方見二十四卷第四論
- 六味丸 方見二十四卷第十一論

婦人顛振方論第八 新附

黃帝曰人之顛者何氣使然岐伯曰胃氣不實則諸脉虛諸脉虛則筋脉懈惰筋脉懈惰則行陰用力不復故為顛因其所在補分肉間醫學綱目云顛振與瘈瘲相類瘈瘲則手足牽引而或伸或屈顛振則但顛動而不伸屈也胃虛有痰用參朮以補氣茯苓半夏以

行痰如實熱積滯用張子和三法○
愚謂顫振者掉眩也易曰鼓萬物者
莫疾乎風鼓之為言動也大抵掉眩
乃風木之搖運也諸風掉眩皆屬于
肝治法若肝木實熱用瀉青丸肝木
虛熱用六味丸肺金尅肝木用瀉白
散肝木虛弱用逍遙散加參朮釣藤
釣脾血虛弱用六君子加芎歸釣藤
釣胃氣虛弱用補中益氣湯加釣藤
釣若產後顫振乃氣血虧損虛火益
盛而生風也切不可風為論必當
大補斯無誤矣

附治驗方藥

○婦人性善怒發熱經水非過期則
不及肢體倦怠飲食少思而顫振余
以為脾氣不足肝經血少而火盛也
午前以調中益氣湯加茯苓貝母送
六味丸午後以逍遙散送六味丸兩
月餘而愈

○婦人身顫振口妄言諸藥不効余
以為鬱怒所致詢其故蓋為素嫌其
夫而含怒久矣投以小柴胡湯稍可
又用加味歸脾湯而愈

附方

○海藏愈風湯 治產後一切失血
過多及汗後中風搐搦方見十九卷
第十二論
○交加散 治瘦癯或顫振或產後
不省人事口吐痰涎

當歸

荊芥穗分等

右為細末每

服三錢水一盞酒少許煎至七分灌下咽即有生理

○增損柴胡湯

治產後或經適斷

致手足牽搐咬牙昏冒異症

柴胡

八錢 黃芩炒四錢 半隻各三錢

石膏

四錢 知母二錢 黃芪炒五錢 甘草炙一錢

右為粗末每服半兩薑五片棗四枚水煎溫服

○本事青塩丸

治肝腎虛損腰膝無力顫振躄曳

無方顫振躄曳

茴香

末二兩 鬼絲子末四兩 乾山藥末二兩

青塩

右先將鬼絲子洗淨無

灰酒浸晒七日冬天近火煨炙乾

別為細末和勻酒糊丸梧子每服五

七十九溫酒或塩湯下常服壯筋力

進飲食一婦人素患足躄曳又服此

藥履地如故

○本事星附散

治中風能言而手足躄曳脉虚浮而數

足躄曳脉虚浮而數

天南星

半隻二味薄切片 姜汁浸透

黑附子

白附子炮 川烏炮

白殭蠶

沒藥 人參 茯苓各等分

右為粗末每服二錢酒水各一盞同煎至八分去滓熱進三二服汗出即

瘥予在桐廬有患此症用前藥二服

得汗手足即能舉物

○三因獨活散

治氣虚感風或驚

恐相乘肝膽受邪使上氣不守正位
致頭招搖手足顛掉漸成目昏

獨活 地骨皮 細辛 芎藭

菊華甘味者 防風 甘草炙等分

右為粗末每服三錢水盞半煎至一盞去滓煎取清汁六分入竹瀝少許再煎一二沸食後溫飲日二服

○世傳茯苓丸 治手臂抽牽或戰掉不能舉物服此藥立愈又治臂痛如神方見後并註兼治之法

附方

○補中益氣湯方見二十四卷第六論

○六味丸方見二十四卷第十一論

○加味歸脾湯○逍遙散二方見二十四卷第四論

○小柴胡湯方見二十四卷第一論

婦人風寒臂痛方論第九

婦人臂痛或筋脉攣急遇寒則劇者由肝氣虛弱風寒客於經絡故其脉緊細宜用栝子仁丸舒筋湯若臂痛而不能舉或痛無定處此脾虛邪氣相搏中脫伏痰故其脉沉細如此宜用茯苓丸控涎丹主之○愚按前症若肝血虛用加味逍遙散中氣虛用補中益氣湯血氣俱虛用八珍湯風熱血燥用秦艽地黄湯脾腎虛寒用栝子仁丸脾胃實熱用茯苓丸水不能生木用六味丸逍遙散怒動肝火用小柴胡加川芎當歸眩暈瞶熱用

四物柴梔丹皮晡熱月經不調用加
味逍遙散食少體倦無寐盜汗用加
味歸脾湯

附治驗

○先太宜人遍身作痛筋骨尤甚不
能屈伸口乾目赤頭眩痰壅胸膈不
利小便赤短夜間殊甚遍身作痒如
蟲行此屬肝腎氣虛而熱也用六味
地黃丸料加山梔柴胡而愈

○栢子仁丸

栢子仁二兩熟地黃自製二兩茯苓

枳殼去穢炒覆盆子炒五味子炒

附子酒蒸石斛酒蒸鹿茸酥炙

酸棗仁炒桂心炒沉香

黃芪各一兩等分右為末煉蜜

九桐子大每服三十九空心溫酒下

○舒筋湯 治風寒所傷肩臂作痛

及腰下作痛又名五痺湯

片薑黃錢一甘草炒羌活各三分

白朮 海桐皮 當歸

赤芍藥各五分 右水煎服

○茯苓丸 治脾氣虛弱痰邪相搏

停伏中脘以致臂內筋脉攣急而痛

茯苓二兩半夏姜制枳殼半兩

風化朴硝一兩 右為末薑汁糊丸

桐子大每服二十九食後薑湯下

○控涎丹 凡人忽胸背手足頭項

腰膝牽痛不定或頭痛昏倦痰唾稠

粘喉中銛聲手脚重痺此痰涎伏於胸膈也宜此治之

甘遂去心 大戟去皮 真白芥子各等分炒
右為末糊丸桐子大臨臥薑湯下五七丸痰盛服十九

○白芥子散 治臂痛牽引背脚或輟或作由榮衛循行失度痰滯經絡或似癰瘰

真白芥子 木鱉子各三兩 蘇炒
沒藥別研 桂心 木香各半兩

右為末每服一錢溫酒下○愚按前

三方脾氣虛弱者必佐以六君子湯中氣虛弱者必佐以補中益氣湯氣血虛者必佐以八珍湯脾氣鬱滯者必佐以歸脾湯肝經怒氣者必佐以逍遙散若專用前方治之胃氣益虛病氣益甚不可不謹

○流氣飲 治七情氣滯胸脇悶痞咽喉不利嘔喘面浮二便不調或氣攻肩背脇肋作痛或脚氣喘急腹脹便閉元氣充實者宜用此藥慎之

紫蘇葉 黃芪炒 青皮去白 當歸
半隻姜製 烏藥 芍藥炒 茯苓
桔梗 防風各五錢 川芎

陳皮各七錢五分 枳實炒 木香二錢五分
甘草炙 大腹子一兩 姜製

右每服半兩薑棗水煎服

○交加散 方見前

○四物湯 治血滯中風血虛手足不遂如臂痛加紅華煎方見前

○交加散加木瓜牛膝治冷痺肩臂作痛即人參敗毒散和五積散

○烏藥順氣散加羌活木瓜治外邪氣滯筋骨作痛或痰氣不利

附方

○秦艽地黃湯 治肝膽經風熱血燥肩臂疼痛或筋脉引急或時牽痛其內症發熱或寒熱晡熱月經不調或肢體酸痛等症

秦艽 熟地黃自製當歸各一錢 川芎

芍藥 牡丹皮 白朮

茯苓各一錢 釣藤鈎一錢 柴胡五分

甘草各三分 右水煎服

○逍遙散 ○加味逍遙散

○加味歸脾湯 ○八珍湯四方見二十四卷第四論

○六味丸方見二十四卷第四論

○小柴胡湯方見二十四卷第二論

○四物湯 ○補中益氣湯二方見二十四卷第六論

婦人賊風偏枯方論第十

論曰賊風偏枯其狀半身不遂肌肉枯瘦骨間作痛經云汗出偏枯如樹木一枝津液不到則枯槁被風所害古人有云醫風先醫血血行風自滅治法當用大八風湯增損茵羊酒續斷湯以養其血則風自祛矣 ○愚按醫風先醫血此論得之大抵此症因

胎前產後失於調養以致精血乾涸
肝木枯槁治法當滋其化源考之生
氣通天論曰風客淫氣精乃亡邪傷
肝也陰陽應象大論曰風氣通於肝
風搏則熱盛熱盛則水乾水乾則氣
不榮故精乃亡此風病之所由作也

附治驗

○婦人性善怒常自汗月經先期余
以為肝火血熱不信乃汎用降火之
劑反致月經過期復因勞怒口噤呻
吟肢體不遂六脉洪大面自赤色用
八珍麥門五味山梔丹皮數劑漸愈
兼用逍遙散六味丸各三十餘劑全
愈

○大八風湯 治中風偏枯失音不
語時復恍惚或昏憤發熱

當歸 杏仁去皮尖 甘草炒

桂心 乾薑炮各二兩 五味子杵

升麻各二兩 川烏炮去皮 黃芩炒

芍藥炒 獨活 防風 川芎

麻黃節去 秦朮 石斛去根 人參

茯神木去 石膏 黃芪炒 紫苑各一兩

大豆三兩去皮 右每服五錢水煎服

○續斷湯

當歸三兩 陳皮 芍藥炒 細辛各一兩

生地黃兩 續斷酒浸 右每服五七

錢水煎臍寒下痢加熟附子一兩

○金生虎骨散 治半身不遂肌肉

乾瘦忌用麻黃發汗恐津液枯竭惟當潤筋養血消風

當歸二冊 赤芍藥 續斷酒浸

白朮 葛朮 虎骨灸各五兩

烏蛇肉灸半兩 右為末每服二錢酒

調骨痛加生地一兩自利加天雄半兩

○虎脛骨酒 治中風偏枯四肢不

隨一切風痺筋脉攣拳

石斛 石楠葉 防風 虎脛骨灸

當歸 茵芋葉 杜仲炒 牛膝酒浸

續斷酒浸 芎藭 巴戟去心 狗脊各兩

右以絹囊盛藥用酒一斗漬十日每服一盞溫飲

附方

○八珍湯 ○逍遙散 二方見二十四卷第四論

○六味丸 方見二十四卷第十一論

婦人偏風口喎方論第十一

論曰偏風口喎者因體虛受風而入

足陽明胃經蓋足陽明之經上夾於

口風乘之其筋偏急故也○愚按前

症當參本卷首論治之

附治驗 方藥與前諸治驗參看

○婦人懷抱鬱結筋攣骨痛喉間似

有一核服烏藥順氣等藥口眼喎斜

臂難伸舉痰涎愈多內熱晡熟食少

躄倦余以為鬱火傷脾血燥生風用

加味歸脾湯二十劑形體漸健飲食

漸進又用加味道遙散十餘劑痰熱
少退喉核少消更用升陽益胃湯數
劑諸症漸愈但臂不能伸此肝經血
少而筋攣耳用六味地黃丸以滋腎
水生肝血而愈

附方

○升陽益胃湯 治脾胃虛弱肢體
怠惰或體重節痛口舌乾渴飲食無
味大便不調小便頻數飲食不消兼
見肺病灑淅惡寒悽慘不樂乃陽氣
不和也

羌活 獨活 防風 各五錢 柴胡

白朮 茯苓 各三錢 人參

黃連 炒陳皮 各四錢 右每服三五

錢薑棗水煎早溫服如小便愈而病
益加是不宜利小便也當少減茯苓
澤瀉

○加味歸脾湯○加味道遙散 二方見二一

第十四卷 第十一論 ○六味丸 方見二十四卷第

婦人怔忡驚悸方論第十二

夫心藏神為諸臟之主血氣調和則
心神安靜若勞傷心血外邪乘襲則
心神驚悸恍惚憂懼不安用排風湯
治之○愚按丹溪先生云驚悸者血
虛用硃砂安神丸痰迷心竅用定志
九怔忡者屬火屬痰思慮便動者屬
虛時作時止者火動也假如病因驚
而致驚則神出其舍痰乘而入矣蓋

人之所主者心，心之所養者血。心血一虛，神氣不守，此驚悸之所由作也。治當調養心血，和平心氣而已。金氏婦暑月赴遙，因坐次失序，自愧成病，言語失倫，兩脉弦數。余曰：當補脾導痰，清熱不信，以數坐者，噴水咒之而死，或謂病既無邪，以邪治之，何至於死？子曰：暑月赴遙，外受蒸熱，辛辣適口，內傷鬱熱，而况舊有積痰，加之愧悶，其痰愈盛，又驚以法，尺益驚，其神而氣血不寧，噴以法水，閉其肌膚，而汗不得泄，內燔則陰既消，而陽不能獨立，不死何待？故滑伯仁先生云：若膽氣虛寒，用扶神湯；膽氣實熱，用酸棗仁丸；心氣虛熱，用定志膏；茯苓補心湯；心氣實熱，用硃砂安神丸；茯神散。

附治驗方藥

文學歸雲橋內月事不及期，忽崩血昏憤發熱不寐，或謂血熱妄行，投以寒劑，益甚。或謂胎成受傷，投以止血亦不効。余曰：此脾氣虛弱，無以統攝，故耳。法當補脾而血自止，用補中益氣加炮薑，不數劑而驗。惟終夜少寐，驚悸別服八物湯，不効。余曰：雜矣。乃與歸脾湯加炮薑以補心脾，遂如初。婦人勞則心跳怔忡，寒熱往來，用歸脾湯為主，佐以八珍湯，諸症漸愈。

又用加味道遙散寧志丸而安後復作服歸脾定志二藥即愈

○婦人患驚悸怔忡日晡發熱月經過期飲食少思用八珍湯加遠志山藥酸棗仁三十餘劑漸愈佐以歸脾湯全愈後因勞發熱食少體倦用補中益氣湯又因怒適月經去血不止前症復作先以加味道遙散執退經止又用養心湯治之而痊

○婦人驚悸怔忡無寐自汗盜汗飲食不甘怠惰嗜臥用歸脾湯而愈至年餘懷抱鬱結患前症兼衄血便血仍用前湯而愈

○茯神散 治五臟氣血虛弱驚悸

怔忡宜用此安神定志

茯神木去 人參 龍齒另研 獨活

酸棗仁炒各三錢 防風 遠志去心 桂心

細辛 白朮炒各三錢 乾薑炮各二兩

右為末每服四五錢水煎服或蜜為丸服

○茯苓補心湯 治心氣不足善悲

愁怒衄血面黃五心煩熱或咽喉痛

舌本作強

茯苓四兩 桂心 甘草炒各三兩 紫石英煨

人參各兩 大棗二十枚 麥門冬去心三兩

赤小豆二十粒

右水七升煎二升半分三服

○茯神湯 治膽氣虛冷頭痛目眩

心神恐畏不能獨處胸中煩悶

茯神去木 酸棗仁炒 黃芪炒 栢子仁炒

白芍藥炒 五味子杵炒 桂心一兩

熟地黄製自 人參製 甘草各半兩

右每服五錢薑水煎

○酸棗仁丸 治膽氣實熱不得睡

卧神思不安驚悸怔忡

茯神去木 酸棗仁炒 遠志去心 栢子仁炒

防風各一兩 枳殼炒 生地黄杵膏各半兩

青竹茹一錢五分 右為末煉蜜丸桐

子太每服七八十九滾湯下

○定志丸 治心神虛怯所患同前

如或語言鬼恠喜笑驚悸

人參 茯苓各一兩 菖蒲五錢

遠志去心各一兩 右為末蜜丸如前服

○養心湯 治心血虛驚悸怔忡不

寧或盜汗無寐發熱煩躁

黃芪炒 白茯苓去木 半夏炒

當歸酒拌 川芎各半兩 辣桂去皮 栢子仁

酸棗仁炒 五味子杵炒 人參各三錢

甘草各四錢 右每服三五錢薑棗煎

○硃砂安神丸 治心經血虛頭暈

心神驚悸等症

硃砂飛過五錢 黃連酒洗六錢 甘草各五分

生地黄各一錢 當歸五分

右為末飯糊為丸每服十五丸如一

二服不應當服歸脾湯補之

○治要茯苓散 治心經實熱口乾

煩渴眠卧不安或心神恍惚

茯神 麥門冬 各一兩 通草 五錢

升麻 各一兩 紫苑 各七錢 桂心 五分

知母 一兩 赤石脂 一兩七分 大棗 十二錢 五分

淡竹茹 五錢 右每服一兩水煎

○補中益氣湯 方見二十四卷第六論

○歸脾湯 ○八珍湯

○加味逍遙散 三方見二十四卷第四論

○寧志丸 方見後

婦人失血心神不安方第十三

竊謂前症若脾肝鬱熱用加味逍遙

散脾肝鬱結用加味歸脾湯脾胃虛

弱氣血不足用八珍湯十全大補湯

脾胃虛弱氣血不足用補中益氣湯

六君子湯痰氣鬱結用六君桔梗貝

母如不應審係氣虛但補脾胃如不

應用獨參湯如惡寒發熱屬氣血俱

虛內熱晡熱屬血虛作渴面赤是血

脫煩躁皆宜甘苦之劑以補陽氣而

生陰血經云血脫補氣若用寒涼之

劑以降火則誤矣仍審所屬之因而

治之

○寧志膏 治失血心神不安言語

失常不得安睡等症

辰砂 另研 酸棗仁 炒 人參 白茯苓

琥珀 另研 各五分 滴乳香 一錢 研

右為末每服一錢煎棗湯空心調下

附方

○妙香散 治心氣不足精神恍惚
虛煩少睡恣汗等症

甘草錢五 遠志去心炒 辰砂另研

麝香二錢 山藥姜汁炙 人參錢五

木香煨二錢 茯苓 茯神去木

黃芪 桔梗錢五

右為末每服二錢溫酒調

○茯神湯 方見前

○溫膽湯 治膽虛痰熱驚悸不眠

半夏 竹茹 枳實麩炒各 陳皮

生薑兩四 甘草兩炒 右每服一兩水煎

○半復湯 治膽腑實熱精神恍惚

寒熱泄瀉或寢汗增風善太息

半隻錢一 黃芩錢五分 遠志錢 秫米錢一

生地黃錢 酸棗仁炒 宿砂錢五分

右長流水煎服

○獨參湯 治元氣虛弱惡寒發熱

或作渴煩躁痰喘氣促或氣虛卒中

不語口噤或痰涎上涌手足逆冷或

難產產後不省喘急用好人參二兩

或三四兩炮薑五錢一劑水煎徐徐

服蓋人參性寒故薑佐之如不應急

加炮附子

○加味逍遙散 ○加味歸脾湯

○八珍湯 ○十全大補湯 四方見二十

○補中益氣湯 ○六君子湯 四方見二十

婦人風邪顛狂方論第十四

婦人顛狂由血氣虛而風邪所乘若

邪并於陰則發狂邪并於陽則發顛
夫顛者卒發而意不樂直視仆地吐
湧涎沫口喎目急手足撩戾無所知
覺良久而甦狂者少卧不飢自高賢
自辨智自貴倨妄笑歌樂妄行不休
素問云陽厥狂怒飲以鐵落在怒出
於肝
屬木鐵落金也
以金制木之意一婦人眼見鬼物言
語失常循衣直視或作心病治之無
効投養正丹二服煎乳香送三生飲
立愈養正丹三生飲方
見本草第一論○愚按前症
劉宗厚先生云有在母腹中受驚者
或有聞大驚而得者蓋驚則神不守
舍舍空則痰涎歸之或飲食失節胃
氣有傷痰停胸膈而作當壽火尋痰
固元氣若頑痰膠固上膈必先用吐
法若在腸胃亦須下之○竊謂此症
若因元氣虛弱或痰盛發執等皆是
虛象如慢驚症無風可祛無痰可逐
但補脾胃生氣健旺神智自清痰涎
自化若誤用辛散祛逐腦屬之劑必
為敗症

附治驗

○婦人素清苦因驚而癲或用風痰
等藥愈甚余用參芪歸朮濃煎佐以
薑汁竹瀝三筋餘方愈仍參十八卷狂
言謔語在見鬼補方
○防風茯神散 治風顛啼泣歌笑
或心神恐懼或語言失常

防風 伏神去木獨活 人參

遠志去心 龍齒

菖蒲去毛 石亭

牡蠣煨各兩 奈朮 禹餘糧煨

桂心各五分 甘草炒三分 蛇蛻一條

右每服五錢水煎服

○排風湯

○牛黃清心丸 治諸風緩縱不隨

言語蹇澁痰涎壅盛怔忡健忘或發癲狂二方見本卷首論

婦人飛尸血厥方論第十五

夫飛尸者遊走皮膚穿行臟腑每發刺痛變作無常遁尸者附骨入肉攻通血脈見尸喪聞衰哭便發風尸者淫濯四肢痛而昏沉得風雪便作沉尸者纏骨結臟內腫心脇發而絞痛

遇寒冷便作注尸者舉身沉重精神

錯雜時覺昏憤每至節氣便作並宜

樞合香丸治之○愚按丹溪云凡人

忽手足逆冷肌膚起如米粒頭面青

黑精神恍惚或錯言妄語或牙關緊

急或昏寐仆倒吊死問喪入廟登墓

多有此病先以蘇合香丸灌之次服

調氣散平胃散玉機微義云卒厥飛

尸客忤鬼擊口噤用麻黃湯寒厥表

熱裏寒則下利清穀食入則吐脈沉

手足冷用四逆湯熱厥腹滿身重難

轉面垢譫語遺溺手足厥冷自汗脈

沉滑用白虎湯若人身忽然不動目

閉口噤惡聞聲音眩暈頃時方寤此

由出汗過多氣併於血陽獨上而不
下氣壅塞而不行耳氣過血還陰陽
復通移時方寤名曰鬱冒亦名血厥
宜服白微湯舍公散

附治驗

○錦衣楊永興舉家避青有僕沉醉
失避者既而神思昏昧遍身青傷各
煎金銀藤湯灌之即愈

○婦人忽昏憤發譫語自云為前謀
賴某人銀兩其神責我將你起解往
城隍理問兩脚踝膝臂處皆青腫痛
不可忍口稱苦楚次日方甦痛尚不
正用金銀藤兩許水煎服即愈

○婦人入古墓患前症以紫金錠灌
之即甦通政余子華大常注用之皆
因往弔而卒死喪家想即是症

○蘇合香丸 方見本卷第四論

○白微湯

白薇 當歸各一 人參 甘草 一錢
右每服五錢水煎

○倉公散 治卒中鬼擊心腹如刺
下血不省及即覺齒脚指不覺并諸
毒等症

皂莢 藜蘆 雄黃 礞石 辰砂各
右每用少許吹入鼻中未嚏再吹以
得嚏為度

○內鼻散 治尸厥脈動靜而若死
用石菖蒲末吹鼻中仍以桂末安於

舌上蘇合香丸亦可

○硫黃散 治尸厥不省四肢逆冷

腹中如雷鳴或痰氣不降

煇硝半兩 硫黃一兩各另

右每服三分酒調灌之良久再服即

甦

附方

○麻黃湯 治寒厥或傷寒惡風發

熱身疼無汗者

麻黃六錢 桂枝四錢 甘草炙二錢 杏仁廿枚

右作一劑水煎服

○調氣散 治氣厥不省或痰氣上

壅及治氣滯胸膈不利

白豆蔻 丁香 檀香 木香各三錢

藿香 甘草炙各六錢 砂仁四錢 右為

末每服二錢入鹽少許沸湯調下

○四逆湯 ○白虎湯二方見七卷

○神仙追毒丸一名紫金錠又名太

萬病能解一切毒或折狸菴草毒菌

河鮑疫死牛馬肉毒或蛇犬惡蟲所

傷及鬼怪惡瘡等毒或二廣斷腸草

蛇毒化菌等毒

文蛤即五倍子搗破 山茨菰去皮淨

千金子一名續隨子去殼研去油一兩 麝香二錢

紅牙大戟去芦焙為末一兩半

右用糯米濃飲和作四十粒用井華

水或薄荷湯磨服利一兩次用粥止

之脩合須端午七夕重陽或天德月

德曰於淨室焚香修製効驗不能具述宜珍藏之凡人居家出入不可無此藥嶺外有婦與旅合陰以定年藥置食中且戒之曰子幾時來果從其言彼復以藥解之可無恙若過期不往必死若遇此毒及前一應諸毒服前藥一粒或吐或下即愈昔有女子勞瘵為尸蟲所噬磨服一粒吐下小蟲更服蘇合香丸遂愈若菌蕈菰子砒石時行瘟疫山嵐瘴氣自縊溺水打折傷灰瘞血內滯心頭微温用薑湯磨灌一粒可甦其急喉閉纏喉風脾腫赤眼癰疽發背諸瘡湯火所傷用東流水磨塗并服願邪鬼氣鬼胎煖酒磨服余謂喉閉以下諸症果能灼見形病俱實乃可用之

太醫院校註婦人良方大全卷之三終

太醫院校註婦人良方大全卷之四

江右臨川陳自明良甫編

太醫院使立齊薛已校註

建邑書林泗泉余彰德梓

婦人血風肢體骨節疼痛方論第一

婦人血風由氣血不足腠理不密風
令乘之以致邪正相搏故骨節疼痛
肢體發熱口舌咽乾也○愚按東垣
先生云飲食失節脾胃虛弱乃血所
生病故口中津液不行若火熱來乘
土位故肢體發熱作渴若肝經血熱
用四物羌活黃芩黃柏肝經血虛乃
用逍遙散山梔川芎風濕兼痰用四
物南星半夏羌活蒼朮風濕傷脾用

羌活勝濕湯暑濕傷氣用清燥湯氣
鬱肝脾用四君木香枳殼檳榔胃氣
受傷用補中益氣湯瘀血流注用四
物桃仁紅華骨痛筋壅用當歸沒藥
丸倦怠無力用補中益氣羌活川芎

附治驗

○婦人自汗盜汗發熱晡熱體倦少
食月經不調吐痰甚多三年後遍身
作痛陰雨益甚此氣虛而風寒所乘
用小續命湯疼痛頓止用補中益氣
加味歸脾三十餘劑諸症悉愈

○婦人月經不調且素有痛風過勞
必作用衆手重按痛猶止此氣血俱
虛用十全大補加獨活而痛痊用六

味九逍遙散而經調

○婦人肢體作痛面色痿黃時或赤
白發熱惡寒吐瀉食少腹痛脇脹月
經不時或如崩漏或痰盛喘嗽頭目
眩痛或五心煩熱口渴飲湯或健忘
驚悸盜汗無寐等症臥床年許悉愈
肝脾虧損氣血不足所致用十全大
補加味歸脾兼服月餘諸症悉痊

○芎藭散

川芎錢一 赤茯苓 赤芍藥

酸棗仁炒 桂心 當歸酒洗 木香

牛膝酒洗 羌活 枳殼炒 甘草各二分

右水煎服

○羚羊角散 治血氣身躄疼痛手

足無方

羚羊角鎊 酸棗仁炒 生地黄

檳榔各一兩 五加皮 防風

赤芍藥 當歸酒洗 骨碎補炒

海桐皮 川芎各五錢 甘草三錢

右為末每服二錢溫酒調下

○通靈丸 治血風手足疼痛不可

忍著

白附子 僵蠶各一兩 全蝎半兩

麝香 右為末煉蜜丸桐子

大每服十九溫酒下日三服

○當歸沒藥丸 治血風肢體刺痛

筋攣骨痺或手足麻木

當歸 五靈脂各一兩 沒藥半兩

右為末醋糊丸桐子大每服三十九

薑湯下

○虎骨散 治血風走痛或打撲作

痛

虎骨酥 敗龜板酥 當歸酒洗 桂心

牛膝酒洗 漏蘆 地龍去土 葳靈仙

玄胡索炒 自然銅製等分

右為末每服二錢熱酒調下

附方

○羌活勝濕湯 治頭痛脊痛腰似

折項似拔

羌活 獨活各錢 藁本 防風

甘草灸各半錢 蔓荆子 川芎各二分

右水煎服如身重腰沉沉然是濕熱

也加黃柏一錢附子半錢蒼朮二錢

○東垣清燥湯方見後 ○補中益氣湯

○四物湯 ○四君子湯三方見二十一卷第六論

○小續命湯方見十九卷第八論

○逍遙散 ○加味歸脾湯

○十全大補湯三方見二十四卷第四論

○六味丸方見二十四卷第十一論

婦人血風白虎歷節走疰久論

婦人血風白虎歷節由體虛風邪乘之隨血而行或滲溢皮膚或卒然掣痛走疰如虎嚙者加減小續命湯主之 ○愚按東垣云若人身體沉重走疰疼痛此濕熱相搏或風熱鬱而不得伸附着於有形也是症多因飲食起居失節或因七情勞役失宜脾胃虧損腠理不密外邪所侵以致內熱晡熱自汗盜汗或經候不調飲食不甘治法濕熱腫痛者清燥湯兼痰佐以二陳湯肝火作痛者加味逍遙散脾鬱作痛者加味歸脾湯血虛作痛者四物湯氣虛作痛者四君子湯氣血俱虛者八珍湯俱加羌活川芎月經先期而痛者加味逍遙散頭眩倦怠而痛者補中益氣湯大抵按之痛甚者病氣實按之痛緩者元氣虛勞役而痛者亦元氣虛也飲食失宜而痛者脾氣虛也惱怒而痛者肝火盛也若晝輕而夜重者血分病也與前兼用

附治驗

○婦人歷節發熱作渴飲食少思月經過期其脈舉之洪大按之微細用附子八物四劑而痛止用加味道遙而元氣復用六味丸而月經調

○婦人體肥胖素有熱月經先期患痛風下體微腫痛甚則小便頻數身重脈緩此風濕血虛而有熱用羌活勝濕湯二劑腫痛漸愈用清燥湯數劑小便漸清用加味道遙散內熱漸愈又為飲食停滯發熱仍痛向日浮腫用六君加柴胡外麻而愈又因怒氣小腹痞悶寒熱嘔吐用前藥加山梔木香而安惟小腹下墜似欲去後

此脾氣下陷用補中益氣而愈後因勞役怒氣作嘔吐痰遍身腫痛經行寒熱此肝木侮脾土用六君加柴胡山梔腫痛嘔吐悉退後用補中益氣而安

○婦人飲食少思畏風寒患痛風嘔吐寒熱脈弦緊用附子八物而四肢痛愈用獨活寄生而腰痛漸痊惟兩膝腫痛用大防風湯而痛漸愈用歸脾道遙而元氣復

○漏蘆散 治走疰疼痛

漏蘆 當歸酒洗 牛膝各三錢 桂心

地龍 防風 羌活 白芷

沒藥 甜瓜子各半兩 虎脛骨

敗龜板各酥炙

右為末每服二錢熱酒調下

○四生丸 治骨節作痛或渾身麻痺

白僵蠶炒去絲 地龍去土 白附子

五靈脂 草烏去皮尖

右為末米糊丸桐子大每服二十九茶清送下酒調服亦可

○射香丸 治歷節諸風走痛或如蟲行

大川烏三箇去皮火生用 全蝎二十箇

黑豆二十粒 地龍去土 麝香五錢

右為末米糊丸茶豆大每服十九溫酒下○許學士云予得此方凡歷節

及不測疼痛一二服便瘥治一貴婦遍身走痛夜如蟲嚙三服而愈

○附子八物湯 治歷節痛如錐鉞

附子炮 乾薑炮 芍藥炒 茯苓

人參 甘草 桂心各五分 白朮一錢五分

右水煎服一方去桂用熟地黃二錢

○獨活寄生湯方見後 ○小續命湯方見後

○婦人兩踝作痛上行膝髀肩肘痛

如錐鉞至夜尤劇六脈皆緊一劑而愈

又鄧安人夏月患此人迎脈虛此因暑而得用酒蒸黃連丸二服亦安

附方

○東垣清燥湯 治元氣虛濕熱乘

而遍身痠軟或肺金受邪絕寒水生

化之源腎無所養小便赤大便不
調腿腰痠軟或口乾作渴體重麻木
頭自眩暈飲食少思或自汗盜汗肢
體倦怠胸滿氣促

黃芪 一錢五分 五味子 九粒 黃連 炒

神麴 炒 猪苓 柴胡 甘草 炙各二分

蒼朮 白朮 炒 麥門冬 去心 陳皮 炒

生地黄 澤瀉 各五分 白茯苓

人參 當歸 酒洗 升麻 各三分 黃柏 酒拌二分

右水煎服

○二陳湯 方見二十四卷第五論

○八珍湯 ○加味逍遙散

○加味歸脾湯 三方見二十四卷第四論

○四物湯 ○四君子湯 ○六君子湯

○補中益氣湯 四方見二十四卷第六論

○六味丸 方見二十四卷第十一論

○羌活勝濕湯 方見前

○大防風湯 方見二十四卷第九論

婦人血風癱瘓瘰癧方論第三

婦人癰瘕瘰癧五心煩熱乃血風攻
症用人參荆芥散消風散逍遙散大
抵因體虛風寒相搏赤屬血分而白
屬氣分也經云汗出見濕乃生瘰癧
凡人汗出不可露卧沐浴使人身振
寒熱致生風癱也 ○愚按前症有身
發虎瘡或如丹毒痒痛不常或膿水
淋漓發熱煩渴或頭目昏眩日晡益
甚或寒熱發熱月經不調皆肝經風

熱血燥用加味道遙散爲主佐以四
君芎歸若忿怒身發乾痞痛碎寒熱
乃肝火血燥用加味小柴胡湯氣血
俱虛八珍加柴胡丹皮若夜間發熱
作渴譫語乃熱入血室用小柴胡加
生地血虛四物合小柴胡後用加味
逍遙散調理若鬱結食少體倦內熱
晡熱乃脾經血燥用加味歸脾湯寒
熱加山梔熟地若遊走瘡癢乃血風
走注用何首烏散血虛逍遙散風熱
消風散若專用風藥復傷陰血必致
筋攣等症

附治驗

○婦人身發乾痞或生丹毒痒痛不
常搔碎成瘡膿水淋漓發熱煩渴頭
目眩暈目晡益甚此血虛內熱之症
以當歸飲加柴胡山梔治之而愈
○婦人患前症肢體疼痛頭目不清
自汗盜汗以水不調肚腹作痛食少
倦怠先用參荆芥散後用逍遙散
治之而痊

○婦人因忿怒身發乾痞增寒發熱
余謂肝火用小柴胡湯加山梔黃連
治之而愈後口苦脇痛小便淋瀝復
用前藥全愈

○婦人患前症發熱夜間譫語此血
分有熱以小柴胡湯加生地治之而
安後用四物湯加柴胡山梔丹皮而

熱退又用逍遙散全愈

○室女十四歲天癸未至身發赤斑
疼痛左關脈弦數此因肝火血熱以
小柴胡湯加山梔生地丹皮治之而
愈若因怒而致者亦宜治以前藥驗
餘見二十四卷血風門

○何首烏報 治皮膚癢痒遊走無
定

何首烏 防風 白茯苓炒

枳殼炒 天麻 殭蠶 胡麻炒

芫蔚子 蔓荊子各一錢 茵陳五分

右水煎服

附方

○四物湯○四君子湯二方見二十四卷第六論

○加味小柴胡湯

○小柴胡湯二方見二十四卷第二論

○八珍湯○加味歸脾湯

○加味逍遙散○逍遙散四方見二十四卷第四論

○消風散方見二十四卷第七論

○當歸飲方見二十四卷第六論

○人參荊芥散方見五卷第二論

婦人虛風頭目眩暈方論第四

婦人頭眩由氣虛風入於腦循脈引

目系目系急而然也邪甚則必癩素

問云頭痛癩疾下虛上實過在足少

陰巨陽甚則入腎狗蒙招搖目瞋耳

聾下實上虛過在足少陽厥陰甚則

在肝下虛者腎虛也故腎厥則頭痛

上虛者肝虛也故肝虛則暈狗蒙者
如以物蒙其首招搖不定目眩耳聾
皆暈之狀故肝厥頭痛不同也○愚
按丹溪先生云眩者言其黑運旋轉
其狀目閉眼昏身轉耳聾如立舟船
之上起則欲倒蓋虛極乘寒得之亦
不可一途而取軌也若風則有汗寒
則掣痛暑則熱悶濕則重滯此四氣
乘虛而眩運也若鬱結生痰而眩暈
者此七情虛火上逆也若淫慾過度
而眩暈者此腎虛氣不歸源也若吐
衄漏崩而眩暈此肝虛不能攝血也
有早起眩暈須臾自定者元氣虛也
正元飲下黑錫丹傷濕頭暈用腎着
湯加川芎有痰用青洲白丸子頭風
風熱也又則目昏偏頭風相火也又
則目緊便澀皆宜出血以開表之竅
謂前症肝虛頭暈用釣藤散腎虛頭
暈六味丸頭暈吐痰養正丹不應八
味丸血虛四物參苓白朮不應當歸
補血湯氣虛四君歸芪不應益氣湯
肝木實瀉青丸虛用地黃丸不應川
芎散脾氣虛二陳參朮柴胡升麻不
應益氣湯加茯苓半夏脾胃有痰半
隻白朮天麻湯風痰上壅四神散發
熱惡寒八物湯七情氣逆四七湯傷
濕而暈除濕湯

附治驗

婦人素頭暈不時而作以經遲而

少此中氣虛弱不能上升而頭暈不

能下化而經少用補中益氣湯而愈

後因勞仆地月經如湧此勞傷火動

用前湯加五味子一劑而愈前症雖

云氣無所附實因脾氣虧損耳

婦人內熱口乾勞則頭暈吐痰帶

下詳見六卷第十六論

○養正丹 治虛風頭眩吐涎不已

蓋此藥升陰降陽補接真氣非止頭

眩而已

黑鉛 水銀 硫黃 硃砂 各一兩

右用砂器鎔鉛下水銀攪勻離火少

時入硫砂再攪候冷為末飯九菜豆

大每服三十九空心食前棗湯下

○釣藤散 治肝厥頭暈

釣藤鈞 陳皮 炒 半隻 姜製 麥門冬 去

茯苓 茯神 去木 人參 去芦 甘菊花

防風 各一錢 甘草 炙 二分 石膏 煨 二

右薑水煎

○川芎散 治肝腎虛風頭目眩暈

或頭痛耳鳴目系緊急

小川芎 山藥 白茯神

甘菊花 野菊 不用 人參 各半 山茱萸肉

右為末每服一錢酒調日三服

○三五七散 治八風五痺肢體不

仁或風寒入腦頭痛目旋耳內蟬鳴

附子 炮 細辛 各三兩 乾薑 炮

山茱萸各五兩 防風 山藥各七兩

右為末每服二錢溫酒調

○四神散 治血風眩暈頭痛寒熱
唾痰

菊華 當歸酒洗 旋復花去梗

荆芥穗各一錢

右葱白三寸茶末一錢水煎

附方 治血風頭旋或不知人事

用喝起草嫩心陰乾為末酒服二錢
其功甚効即前蒼耳散

○治頭旋如天動地轉名曰心眩膽

礬一兩細研用麪餅劑一箇拌勻勒

如散子大瓦上焙乾每服一散為末

燈心竹茹煎湯調下此去痰之法當

審而用之

附方

○正元飲 治下元虛敗痰氣上湧

頭自眩暈臟腑滑泄時或自汗手足

逆冷霍亂轉筋等症

紅豆炒二錢 人參去芦二兩 附子炮去皮

茯苓 甘草各二兩 肉桂五錢 川芎

山藥姜汁炒 烏藥 乾葛各一兩

白朮二兩 乾薑炮三錢 黃芪灸一兩半

右每服三錢薑棗水入鹽少許煎送

黑錫丹

○黑錫丹 治真陽虛敗痰氣壅塞

心火炎熾或赤白帶下等症

肉桂 沉香 附子炮去皮

胡蘆巴酒浸破故紙炒茴香炒

肉苳蓉麩炒陽起石研水

金鈴子蒸去木香各一兩硫黃

黑錫去灰各二兩

右將黑錫硫黃入銚內煉結砂子頃出地上去火毒研細餘藥為末和勻再研至黑光色酒糊丸桐子大陰乾入布袋擦令光潤每服四十九

○腎着湯 方見十五卷第八論

○青洲白丸子 方見三卷第四論

○六味丸 八味丸 二方見二十四卷第十一論

○當歸補血湯 方見十九卷第六論

○四物湯 ○四君子湯

○補中益氣湯 三方見二十四卷第六論

○二陳湯 方見二十四卷第五論

○瀉青丸 方見二十四卷第三論

○八物湯 方見二十四卷第四論

○四七湯 方見十二卷第七論

○除濕湯 即腎着湯加川芎

○半隻白朮天麻湯 方見四卷第五論

婦人血風頭痛方論第五

許學士云婦人患頭風者十居其半每發必掉眩如在車船之上蓋因肝經血虛而風邪襲之爾用川芎當歸散若頭痛連齒時發時止連年不已此風中腦謂之厥逆頭痛宜白附子散及灸曲鬢穴在耳掩前正尖上灸七壯左痛灸左右痛灸右○愚按東

垣云足太陽頭痛脈浮緊惡風寒川芎羌活獨活麻黃為主手少陽經頭痛脈弦細往來寒熱柴胡為主足陽明頭痛身熱目疼鼻乾惡寒發熱脈浮緩而長升麻湯或石膏白芷為主手太陽頭痛有痰體重或腹痛為痰癖脈沉緩蒼朮半其南星為主少陰經頭痛足寒氣逆為寒厥脈沉細麻黃附子細辛湯為主足厥陰頭項痛或吐涎沫厥冷脈浮緩吳茱萸湯主之諸血虛頭痛當歸川芎為主諸氣虛頭痛人參黃芪為主氣血俱虛頭痛調中益氣少加川芎蔓荊細辛痰厥頭痛半隻白朮天麻湯厥逆頭痛羌活附子湯如濕氣在頭者以苦吐之不可執方而治若脈雜亂而病見不一且補胃為主

附治驗

○婦人因勞耳鳴頭痛體倦用補中益氣加麥門五味而痊三年後得子因飲食勞倦前症益甚月經不調肺熱內熱自汗盜汗用六味地黃丸補中益氣湯頓愈經云頭痛耳鳴九竅不利腸胃之所生也故脾胃一虛耳目九竅皆為之病

○婦人兩眉稜痛後及太陽面青善怒此肝經風熱之症用選奇湯合逍遙散加山梔天麻黃芪半隻黃芩而

愈此症失治多致傷目或兩耳出膿則危矣頭痛手掉身麻見一卷第五論

○川芎當歸散

川芎錢一當歸酒拌羌活 旋覆花

細辛 蔓荊子 防風 石膏煨

藁本 荆芥穗 半隻麩

生地黄 甘草各五分 右薑水煎

○白附子散 治風邪風痰頭痛連齒不時舉發或連年不愈

麻黃不去根節烏頭炮去皮南星炮各半兩

白附子炮一兩全蝎炒五枚辰砂

麝香 白薑炮各一錢

右為末酒調服三分卧少時

○川芎茶調散 治諸風上攻頭目昏重偏正頭痛

薄荷八兩川芎 荆芥各四兩羌活

白芷 防風 甘草各二兩細辛兩

右為末每服二錢食後茶清調

○如聖餅子加細辛其効甚速若頭痛筋攣骨重少氣噓噫腹滿咳嗽煩

冤其脈舉之則弦按之石堅由腎氣不足而逆上謂之腎厥頭痛宜玉真

丸硫黃丸

○硫黃丸 治頭風不問新久服此除根屢用屢効

硫黃二兩礞石一兩

右為末滴水丸指頂大每服一九空

心細嚼茶清下

○一方用生萊菔汁仰臥注兩鼻數年之患一注即愈

○一方治風邪入腦患頭痛不可忍不問年歲

硝石 人中白 腦子分等

右為末用一字吹入鼻中

○都梁丸 治產前產後風邪所傷頭痛頭暈方見後

附方

○調中益氣湯 治氣血俱虛而頭痛スラ

芍藥分三 升麻分二 黃芪錢一 甘草分五

五味子粒七 當歸 白朮 人參

柴胡 橘皮分二 右水煎

○半萁白朮天麻湯

半萁 白朮 神麴妙各 天麻錢一

黃芪 人參 蒼朮 陳皮

澤瀉 茯苓各五分 大麥蘖錢一

乾薑分三 黃柏分二 酒製

右每服半兩水煎

○羌活附子湯

麻黃 黑附子炮 白芷 白殭蚕

黃柏各三分 羌活 蒼朮各五分 防風

甘草 升麻各五分 黃芪分五

右水煎服

○選奇湯 治風熱上壅鬢稜骨痛

或頭目眩暈

羌活 防風 各三錢 甘草 二錢 夏生

黃芩 酒製冬去之

右每服三錢水煎時服

○吳茱萸湯 ○升麻湯

○麻黃附子細辛湯 三方見六卷第十二論

○補中益氣湯 方見二十四卷第六論

○六味丸 方見二十四卷第十一論

○逍遙散 方見二十四卷第四論

頸項強痛方論第六

夫頸項屬足太陽膀胱足少陰腎二經相為表裏若感風寒濕氣則發熱惡寒頸項強急腰背反張瘰癧口噤脈沉遲弦細新產血虛出汗多患此症若因射睡失枕而致用三五七散

追風散若風邪所傷用都梁丸木瓜煎○愚按東垣云肩背痛不可回顧此手太陽氣鬱而不行以風藥散之竊謂前症若因肝木自旺用瀉青丸精血不足六味丸風熱淫肝加味逍遙散怒動肝火加味小柴胡湯肝經血虛加味四物湯腎不能生肝六味丸膀胱氣滯羌活勝濕湯太抵肝火旺則肝血虛而筋燥頸項強急或腰背反張或四肢拳攣或頸項等處結核

附治驗

○婦人耳內或耳後項側作痛寒熱口苦月經不調此肝膽經火兼傷脾

胃用四君加柴胡升麻黃芪芍藥而愈後因勞役怒氣嘔吐脇脹用六君子湯加山梔柴胡而安

○婦人因怒寒熱作渴左目緊小頭頸動掉四肢抽搐遍身疼痛此血虛肝熱則生風也用加味道遙加釣藤鈎數劑諸症漸愈又用八珍湯而痊

○追風散 治風邪所乘頭目眩痛口眼喎斜牙關緊急或百節疼痛鼻塞聲重項背拘急皮膚癢痒面若蟲行

川烏炮去皮 防風 石膏煨 川芎
甘草炙 荆芥穗 白殭蠶去絲
天南星 羌活 地龍去土 白附子炮

全蝎去尾 白芷各半 草烏炮去皮
沒藥研 乳香研 雄黃研各一錢
右為末每服半錢用茶清少許食後臨卧調下

○都梁丸 治諸風項背不利頭目眩暈腦門作痛或產前產後傷風頭目昏重血風頭痛用白芷末蜜丸彈子大每服一丸細嚼荆芥煎湯下

○木瓜煎
木瓜不犯鐵器 沒藥二兩
乳香一兩 右以木瓜去核入藥仍蓋合之飯上蒸爛研成膏每服

三匙生地黃汁半盞無灰酒和服有入患此自午發至夜方止余曰此足

少陰經症發必先從足起蓋足少陰之筋自足大指起至頭筋者肝之合也日中至夜天之陽陽中之陰又曰陽中之陰肺也自離至兌陰旺陽弱之時故靈寶畢法云離至乾腎氣絕而肝氣弱肝腎二臟受陰氣故發於是時予受此方三服而愈

○瀉青丸

方見二十四卷第三論

○六味丸

方見二十四卷第十一論

○八珍湯○加味逍遙散

二方見二十四卷第四論

○加味小柴胡湯

方見二十四卷第二論

○加味四物湯

○四君子湯

二方見二十四卷第六論

○羌活勝濕湯

方見前

婦人腰痛方論第七

夫腎主於腰若婦人腰痛由腎氣虛弱外感六氣內傷七情皆能致之如因風邪所乘用小續命湯加桃仁杜仲如因寒濕所傷五積散腎經虛弱青娥丸如因氣血凝滯用牽牛茴香之類○愚按陳無擇先生云若形體虛羸面色黧黑腿足痿軟不能行立此失志所為也腹急脇脹目視眊眊宗筋弛縱白淫下注此鬱結所為也肌肉不仁飲食不化腸胃脹滿閉墜腰脇此憂思所為也皆屬內因若腰冷作痛身重不渴小便自利飲食如故因勞汗出腰痠脇痛或墜墮血滯或

房勞精竭皆屬內外因也竊謂前症
失志腎虛熱者六味丸腎虛寒者八
味丸鬱怒傷肝實用龍膽瀉肝湯虛
用六味丸補肝散憂慮傷脾者歸脾
湯逍遙散腎實者寒則木附湯虛則
腎着湯腰膝痛者寄生湯養腎散瘀
血滯者如神湯舒筋湯房勞腰痛者
青娥丸十補丸

附治驗

○婦人腰痛三年矣每痛必面青頭
暈目緊余以為肝脾氣虛用補肝散
而愈三年後因勞役患頭痛兼惡心
用補中益氣湯加茯苓半夏蔓荊子
而愈

○婦人苦腰痛數年不愈余用白朮
一味大劑服不三月而痊乃胃氣虛
閉之症故用白朮也

○如神湯 治男婦腰痛

延胡索 當歸 桂心等分

右為末每服二錢溫酒調甚者不過
數服

○獨活寄生湯 治足三陰虛風濕
所侵脚膝歷節作痛

獨活 桑寄生 續斷酒炒 杜仲姜炙
細辛 牛膝酒炒 秦艽 茯苓
白芍藥炒 桂心 川芎 防風
人參 熟地黃自製 當歸酒拌

粉草炙各五分 右水煎

○舒筋散 治風寒傷腎脊作痛或
閉挫氣滯血瘀亦良

玄胡索炒 杜仲姜汁炒 官桂去皮 羌活

芍藥等分 右為末每服一錢酒調

○又方橘核炒木香研酒下

附方

○濟生木附湯 治寒濕傷腎腰重

冷痛小便自利或手足逆冷

附子炮 白木各一兩 杜仲姜炒

右每服四錢薑水煎

○三因腎着湯 治腎虛為病身重

腰冷如水洗狀不渴而小便自利飲

食如故腰以下冷痛如帶數千錢

茯苓 白木各四兩 乾薑炮 甘草炙

右每服四錢水煎空心服

○青蛾丸 治腎虛腰痛或外邪所

侵腰腿或筋骨作痛

胡桃仁二十枚 蒜研膏 破故命酒浸炒

杜仲去皮姜汁 右為末蒜膏丸

桐子大每服五十九丸空心醋湯下蒜

不用亦可

○六味丸 ○十補丸

○八味丸三方見二十四卷第十一

○龍膽瀉肝湯方見三十四卷第八

○補肝散方見七卷 ○歸脾湯

○逍遙散二方見二十四卷第四論 ○養腎散方見

婦人腰脚疼痛方論第八

腎主於腰脚女人胞絡係焉若勞傷

腎氣風冷客於脈絡故腰脚作痛也
治當補元氣為主佐以祛邪之劑○
愚按前症若真陽衰敗寒邪乘襲手
足俱冷頭痛惡寒或嘔吐腹痛等症
宜用本方若氣血虛弱寒邪所感惡
寒發熱頭痛作渴或嘔吐腹痛等症
宜用五積散若元氣虛弱濕熱所傷
兩脛腫痛寒熱身疼或嘔吐不食等
症宜用檳蘇敗毒散若脾胃虛弱元
氣下陷寒熱嘔吐發熱頭痛喘渴體
倦等症宜用補中益氣湯若足三陰
精血虧損陰火內動內熱瞞熱作渴
痰甚小便頻數等症宜用六味地黃
丸若足三陰陽氣虛敗惡寒發熱手
足俱冷吐痰不食二便滑數等症宜
用八味地黃丸

附治驗

○婦人先腰膝作痛後兩腿亦痛余
以為足三陰虛寒外邪所傷用小續
命湯及獨活寄生湯或作或止所用
飲食極熱腹中方快余曰邪氣去而
元氣虛寒也診其脈果沉細用養腎
散漸愈又用十補丸而痊

○婦人所患同前但發熱作渴喜冷
飲食脈洪數按之遲濇余以為血虛
有熱用羚羊角散去檳榔加白木茯
苓數劑更用加味逍遙散而瘥

○婦人患前症時或腿膝作痛脈浮

數按之遲緩此元氣虛而風濕所乘
用獨活寄生湯頓愈又用八珍湯而
安

○婦人因怒患前症寒熱往來口苦
不食晡熱內熱余以為肝火血虛先
用小柴胡山梔頓愈又用加味道遙
散而瘳

○婦人患前症寒熱頭痛殊類傷寒
此寒邪之症用檳蘇敗毒散而安又
用補中益氣調補而愈

○骨碎補散 治陽氣虛弱外寒所
侵腰脚疼痛腹脇拘急

骨碎補炒 革薺酒 牛膝酒 桃仁煮
海桐皮 當歸酒 桂心 檳榔各五

赤芍藥 附子炮 川芎 枳殼各

右薑棗水煎

○養腎散 治腎經虛弱風寒所侵
以致腰脚疼痛不能步履

蒼朮兩 乾蝎錢 天麻 草烏頭炮
皮 黑附子炮 去皮各二錢

右為末每服一錢酒調服麻痺少時
隨愈孕婦勿服此治風寒傷腎膀胱
虛寒之良藥用之得宜殊有神効

附方

○五積散 方見後

○檳蘇敗毒散 方見二十四卷第十

○補中益氣湯 方見二十四卷第六

○十補丸 ○六味丸

○八味丸 三方見二十四卷第十一論

○小續命湯 方見前 ○獨活寄生湯 方見前

○羚羊角散 方見前 ○加味逍遙散

○八珍湯 二方見二十四卷第四論

○小柴胡湯 方見二十四卷第一論

婦人風邪脚氣方論第九

婦人脚氣乃肝脾腎三經或胞絡氣虛為風毒所搏而患蓋胞絡屬於腎主於腰脚三經絡脉起於足中指若風邪客於足從下而上動於氣故名脚氣皆由六淫七情或產後或經行風毒相搏其症或頭痛身熱肢節作痛或大便秘結小便不利或脚膝緩弱足脛腫滿或腰膝枯細忪悸嘔逆

或小腹不仁舉體轉筋或胸滿氣急遍體酸痛用香蘇散加檳榔生薑若寒中三陽必冷用小續命湯若暑中三陰必熱用小續命湯去附子大躁者紫雪最良無紫雪以百合薄荷煎冷水調服大便秘用脾約丸麻仁丸三和散補藥淋洗皆太禁也○愚按嚴用和先生云前症初患不覺因他病乃發先從脚起或緩弱痺痛不能行履或兩脛腫滿或足膝細小或心中怔忡或小腹不仁或舉體轉筋或見食作嘔或胸滿氣急遍體酸痛其脈浮而弦者因於風濡而弱者因於濕洪而數者因於熱遲而濇者因於

寒男子由於腎氣虧損女子血海虛弱七情所致竊謂前症若足三陰虛弱用還少丹若脾氣虛寒用八味丸若飲食停滯臀腿痠脹浮腫作痛此脾氣下陷用六君子少加柴胡升麻不應須用八味丸若發熱口渴月經不調兩腿無力此足三陰血虛火燥用六味八味二丸兼服前症西方之人多患之因素食乳酪脾胃壅滯脛足腫滿至於南方亦有因膏粱厚味濕熱下注而患者故古人謂之壅疾所用之方多踈通發散之劑然感於房勞過度虧損三陰治法又當以固本為主故六物附子為元氣虛弱寒

邪內侵之聖藥所屬各經等方附後

附治驗

○婦人兩脇赤痛寒熱口苦嘔吐懶食面色青黃或赤此肝木乘脾土用小柴胡湯加山梔升麻茯苓二劑頓愈又用六君子湯加柴胡山梔全愈
○婦人飲食勞役兩脇兼腿疼痛或時寒熱余以為脾虛濕熱下陷用補中益氣湯加山梔茯苓半隻治之而痊後復作用六君子湯加柴胡山梔全愈

○婦人經行後寒熱晡熱兩腿作痛此肝經血虛也用加味道遙散加山梔治之而愈後因勞日晡內熱或用

四物黃柏知母之類前症益甚更加
食少作瀉余以為元氣下陷前藥復
傷先用六君子湯加補骨脂二劑調
補脾胃而瀉止食進又用補中益氣
湯外舉元氣而痊

○大腹皮散 治脚氣肢節煩疼心
神壅悶或頭暈喘嗽不食

大腹皮 紫蘇 木通 桑白皮

羌活 荆芥 赤芍藥 青皮

木瓜 獨活 枳殼 鐵器

右薑葱水煎

○半夏散 治脚氣上攻心腹脹滿
飲食不下嘔吐不止

半夏 陳皮 人參 大腹皮

桂心 檳榔 赤茯苓

紫蘇 右薑水煎

○桑白皮飲 治兩脚浮腫小便赤
澀腹脇脹滿或喘嗽痰湧嘔吐不食

桑白皮 郁李仁 赤茯苓 木香

防已 大腹皮 紫蘇子 木通

檳榔 青皮 右薑水煎

附方

○大黃左經湯 治四氣乘注足陽
明經以致膝腿作痛或足脛赤腫嘔
吐不食大小便秘結或惡食喘急自
汗等症

細辛 茯苓 羌活 大黃

甘草炙 前胡 枳殼炒 厚朴製

黃芩炒 杏仁去皮尖

右每服五錢薑棗水煎

○麻黃左經湯 治風寒暑濕乘注足大陽經以致腰足攣痺肢節重痛或增寒發熱無汗惡寒或自汗惡風頭疼

麻黃 乾葛 細辛 白朮

茯苓 防已酒 羌活 甘草

防風 右每服半兩薑棗水煎服

○半隻左經湯 治足少陽經為風寒暑濕乘注以致惡寒發熱腰腿疼痛或頭目眩暈嘔吐不食或熱悶心煩腿痺不隨

半隻製 乾葛 細辛 白朮

麥門冬去心 茯苓 桂枝 防風

乾薑炮 黃芩炒 小草 甘草炙

柴胡 右每服半兩薑棗水煎熱

悶加竹瀝喘急加杏仁桑白皮

○六物附子湯 治四氣乘於足太陰經以致骨節煩疼四肢拘急自汗短氣小便不利或手足浮腫

附子炮 桂 防已各四錢 甘草炙二錢

白朮 茯苓各三錢

右每服半兩薑水煎

○換腿丸 治足三陰經為風寒暑濕之氣所乘發為攣痺緩縱或上攻胸背下注脚膝疼痛發熱行步艱辛

薏苡仁 南星 石楠葉 石斛

檳榔 草薺酒拌 川牛膝酒浸 羌活

防風 木瓜各四兩 黃芪炒 當歸酒拌

天麻 續斷酒炒各一兩 右為末酒

糊丸如桐子大每服五十九丸鹽湯下

○五積散 治風寒所傷以致脚氣

疼痛或寒熱拘急嘔吐不食等症

當歸酒拌 芍藥炒 川芎 炮薑

人參 茯苓 陳皮 桔梗炒

厚朴姜炒 白芷 蒼朮 半隻姜製

肉桂 麻黃 甘草炒各五分

右薑棗水煎

○當歸拈痛湯 治濕熱為病肢節

煩疼肩背沉重胸膈不利或兼遍身

作疼足脛腫痛不可忍者或濕熱流注下部瘡瘍赤腫

羌活 人參 苦參酒製 升麻

乾葛 蒼朮各一錢 甘草炒 黃芩酒炒

當歸 茵陳酒製各五分 防風 知母酒炒

澤瀉 猪苓 白朮各四分

右水煎服

○紫蘇子湯 治脚氣上攻陰陽交

錯清濁不分上重下虛中滿喘急嘔

吐自汗無復紀律

紫蘇子微炒 半夏姜製各二兩 前胡

厚朴姜製 甘草炙 當歸酒拌各二兩 桂心

陳皮

右每四錢入薑棗煎服

大醫廣集卷四
二十九
○還少丹 方見二十三卷第四論

○六味丸 ○八味丸 二方見二十四卷第十一論

○小柴胡湯 方見二十四卷第二論

○六君子湯

○補中益氣湯 二方見二十四卷第六論

○加味逍遙散 方見二十四卷第四論

太醫院校註婦人良方大全卷之四終

